

人物志

文學 義行



常昭合志稿卷第三十

人物志九 文學

陳起宗 鍾璇 王伯廣 嚴煥 沈元諒

周甫 虞衡 胡澹 瞿孝禎 盧彥昭

王珪 盛彧 張嵩 時太初 陸景元 鄧士瑛

朱鏞 高隅仲 蕭安道 王偕 鄒伯常

傅著 張恕 鄒立誠 鄒承年 蔡綱

陳則 李大還 孫彥和 陳璋 季簾 季鶴季儒

張衡 懋 陳琦 唐瑀 紹 季復春 周宗魯

陳繼宗 錢義 陳卿 周敬修 魏忠

常昭合志稿

卷三十

人物九 文學

高德 巽鼎 徐道南 陳繼善 符 邱方 雲鶴 張繼

計嗣 錢暉 李莠 徐澤 旬 士元

周師敬 陳九疇 九韶 繆伯雨 馬儒

郎名 陳翥 徐禎卿 李慶雲 陳襲

夏玉麟 張煒 耀 韋渙 李在

王投 揖 伯稠 張書紳 陸文 金澄

宋懋中 奎光 陳以忠 夏元玉 沈冕

孫忠 文龍 吳邦彥 管一德 徐漢樾 錢文光

何夢齡 孫木仁 瞿純仁 陳大亮 朱應鸞

許應科 時省 時登 戴元威 元美 許重熙 重進

陸銑鉞

倪鉅

周景星

高用光

呂庸

湯日新

姚宗儀

錢希言

陳三恪

錢安修

鄒泉

盧儒

馮復京

邵濂

潘榮

王祚永

曾道生

錢訥

周休

陳瑚

楊彝

孫永祚

陽光

張以行

瞿斗暘

褚道潛

張星六

郭際南

何述稷

范賀

鄒聞望

馮舒

馮班

行賢

行貞

錢嘏

顧德基

茂位

顧雲

陳芳績

歸晨

顧資仙

王欽汝

陳新芝

劉本沛

丁元貞

錢龍惕

龍躍 興國

歸元俊

王孫苻

季廷纓

才

風光

文潮

常昭合志稿

卷三十

人物九 文學

二

許玉森

許天錦

嬰聚

許山

徹

永

陳帆

吳驚

宏緒

陳祺芳

陳濤

王圖昌

龐龍

殷再巡

顧瑤光

陶宗侃

錢璋

嶸

周臺

宗來復

徐蘭

鄧林梓

陳協

凌竹

戴淙

惟東

師敦

孫璟

沅

繆夢淵

陳玉齊

周楨

單嘉猷

衛一龍

李德培

沈卓

徐淑

潢

邵陵

薛熙

錢良擇

中樞

龔易

齊行

誠

廷煥

周陳俶

陳如鑿

黃庭

黃儀

張文鑣

陸元泓

陸階

郭學淮

兆蓀

蔣拱辰

王家震

嚴焯

德星

龍翔

本中

昌期

文豹

大綸

顧天申 陳文照 陳中慶 王燾 張湖伊 周王命

姚倬 姚敬 龔庠 單德棻 趙徵介 知十

周震生 鄒元斗 家龍 程鳳 張一桂 王鎮 陳汝楫

沈遵約 瞿世壽 昌熾 瞿元 綬 范愷 陳溥

仲是式 嘉玉 仲是保 羅美 唐瑀 錢元英

衛文豹 士模 士楷 馬輝緒 顧彬 錢尙善 鶴洲

汪沈琇 盛元珍 士游 龔克庸 單鄭思

瞿駿 王應奎 周安節 黃曾憲 胡維岳

宋顧樂 金鏡 沈翀 胡可大 峻 張璘

刁戴高 言易文 廷瑣 張大受 徐灝

常昭合志稿 卷三十 人物九 文學 三

謝元陽 徐賓 朱榮荃 榮芝 曹均 文高

薛玉田 楫 陳寶光 管焯 焯 坤載 戴玠

屈琛 沈熈 許進益 陸士坊 庭堅

王式金 凌萬才 周霖 江文虎 煜 王大椿

黃大復 仲嘉會 嘉德 范章承 王廷銓

瞿頡 周昂 蕭若欽 劉天立 沈輝玉 晉恒

王印川 陳謹 鮑捷勳 晉高 侯 深 偉

陳華 錢六一 姚齊宋 錢鐘 范春林

陸仁虎 廷鸞 陸以煊 鄭蘭金 彥細

楊景聖 張廷珏 徐維寅 錢德榮 吳耿光

胡鳴謙 王清蘭 朱宮桂 胡靜之 李仁泉

許廷誥 元愷 錢廷恪 毛琛 席世昌

趙同鈺 宗德懋 朱景周 汝霖 吳卓信

黃瑞 黃廷鑑 郝掄達 屈軼 瞿青垂

吳景恩 程敷誥 邵燕 華會昌 范清彥

趙同春 衛元相 衛桓 陳大庚 單學傅 恩蘭 恩熊

程梓誥 施大銓 震福 楊希豫 袁鍾麟

翁心傳 周敷濂 姚錫範 錫田 陳向榮

楊乘雲 季士訢 顧敬 湯錦 周敦仁

黃金臺 周彬 郭忠訓 邵逸 王新

常昭合志稿 卷三十 人物九 文學 四

張起龍 吳震 葛森棠 沈煜奎 趙允懷

倪賜 許清 蘇孫瞻 歸章 葛廷耀 張爾旦

胡金瑞 席振達 沈福堃 刑詒 歸令瑜

王振聲 錢涓 周綸渙 徐朝忠 王寶琛

徐桂馨 陶霞標 張定鑿 金煥 宗晉

秦大鈞 秦承孝 俞大文 大潤 鍾禱 陳寅養

蘇文海 殷振雲 胡蘭枝 陸旦華 王慶藻

敘曰舊志人物有文苑同治間續事纂輯者議并增儒林

或日以邑志而襲 國史之名僭也夫吾邑人物首推言

子言子在聖門列文學之科邑之後進固無有自謂追蹤

言子者然研經術修辭章何莫非分文學之一體乎統名
爲文學儼亦使後之從事於此者思所以媲美鄉先生卽
思所以仰企言子庶幾彬彬乎文有其本而不徒以雕蟲
小技獵名於一時也遂輯之爲人物志之九

宋

陳起宗字興祖少入上庠連冠多士一日歸省屬同舍生爲投
試卷起宗業禮記同舍嫉之易以周禮追試乃告起宗遂用
周禮試復第一登進士第四以徽猷閣待制知并州卒起宗
善談辨詩篇灑落有陶謝風韻

盧志

鍾璇字振遠一字叔齊六歲而孤育於龍圖學士林適家林氏

常昭合志稿

卷三十

人物九 文學

五

多書與其孫璟瓌璩同肄業課率先成後璟兄弟並登第璇
遂棄舉子業取所藏書盡閱之一日遊巖谷間遇異人衣道
服手列禦寇書揖而語坐磐石指一泓水曰此水滔滔乃皇
極大中之道語久別去自是有悟築室梅李多蒔香草自號
藥圃隱居二十年家貧殊不戚戚有求者解衣分粟無斲色
唐璩自留守歸寓梅李遂爲忘年交提舉徐誼吳守沈揆皆
造其廬以奇人目之范成大等嘗薦於朝不報有藥圃稿山
中錄續孔白帖秦漢以來鍾鼎奇字藏於家

琴川志

王伯廣字師德梅李人登進士第授德清尉既有官祿家產遜
諸弟一毫不取授温州教授再調常州未赴卒伯廣少工文

從中書舍人楊邦弼學嘗過臨安謁張倅柟張曰試教官乎
曰某素不習經張爲指蹊轍閱月以程文示張張大驚曰天
才也剛魁教官精於詩四六亦爲人贈炙與張孝祥游詩筒
往復有聽雨集琴川志

嚴煥字子文進士君鄰從子工書善屬文嘗與同里錢南試聖
人以人占天賦出場問冒題押何字南曰押占字煥曰余奪
魁君第二果以首選登進士第調徽州臨安教官通判建康
府知江陰軍遷太常丞出爲福建市舶司終朝奉大夫琴川志

沈元諒其先汝南人祖彥文教授泰州始遷邑之白茆元諒以
學行聞外舅邱岳薦之弗就址志

常昭合志稿

卷三十

人物九 文學

周甫字次山五歲誦論語每舉一字輒引類言之淳熙癸卯秋
試已取解魁以失書塗注移副榜首遂棄舉子業研精經史
操履不苟號無礙老人叅政宇文紹節館之累以邊功授官
不就令孫應時尤愛重焉精於漢史所著韓生傳章華臺記
石頭城歌皆爲時所稱琴川志 按廬府志嘗見甫有印文曰臨淮周甫疑卽虎之族也

虞衡字似平官參議贈龍圖閣學士善隸書能詩築谷林於廬
山西麓似良爲篆其榜似良於衡蓋兄弟行也琴川志 按

菴今爲參議廬公似平墳菴桑瑜志虞衡墓在頂山白龍祠側則似平名衡可證言志以似平爲元人虞子賢字誤也

胡淳字以初胡垓人以博學稱端平中建學宮與兄洽並董其
役邑令鮑廉輯琴川志屬淳與鍾秀實蒐討事蹟精審翔實

爲邑志權輿

邱岳琴川志序
參廬熊府志

元

瞿孝禎字逢祥性閒曠善吟詠每得佳句輒撫琴一弄闌樂隱

園於團溪上植梧竹花卉畜魚鶴與楊維楨張伯雨顧阿瑛

輩遊習有月蕉稿

錢志

盧彥昭嘗從楊鐵崖游詞翰清雅可觀自號清筒老人

吳德菴集

王珪字君璋

吳寬集
作均章

其先汴人珪天稟靈悟博覽載籍尤深於

凝神養氣之術嘗以材異辟同知辰州隱居養親辭不起中

歲築室虞山其居曰中陽丹房澄心觀道益有所得注道德

經撰泰定養生主論還原奧旨原道集四書道統山居幽興

常昭合志稿

卷三十

人物九 文學

七

集善鼓琴又工畫布置繁密意趣閒雅趙文敏器重之尤遷

於醫晚辟穀號中陽老人年九十餘而卒其弟子高敬齋亦

知名

桑志參吳文恪
集吳文定集

盛或字季文世爲南沙人篤志力學工詩文元季兵亂徙家崑

山與楊維楨秦約鄭東張遜文質陸仁趙銓張恕仲輩爲友

多倡和之作後以田役謫戍道邁疾至金山泊舟強起賦詩

投筆而逝有歸湖岡集

明詩
綜

張嵩字維岳居沙頭博極羣書隱居著述以文學主象山書院

歸閉門卻掃屢徵不起躬耕樂道終其身門人私謚忠文先

生子養吾進士博學養高如其父

太倉州
新志

時太初字大本博學能文詩尤俊逸與楊仲宏子壽道爲文字
交嘗仕海昌某官其賦白燕詩有珠簾十二中間捲玉翦一
雙高下飛之句楊鐵崖極稱之龔志

陸景元字子壽行義端方博學有文其詩高古有思致隱居城
市以薦授清河教諭鄧士瑛字伯琚其文行與景元相上下

遭亂不仕與錢甦輩以學相砥礪吳文恪訥推爲前輩龔志

朱鏗字子新世有豐產折節讀書善行草至正末家燬於兵挈

妻子居城市飲酒賦詩視覆敗若不經心既而飄然去里僑

居長洲自號笠澤漁者隔遠人事不知所終桑志 按張泉吳中人物志作

郡人當指居長洲時言之

常昭合志稿

卷三十

人物九 文學

八

高隅仲其先蒙城人居吳郡北郭有隱操海虞王孟陽仲良昆

仲與之友高其學行爲築館於虞山之陽延以訓其弟隅仲

遂自郡徙居之題其齋曰佩韋郡人王行爲之記牛軒集

蕭安道元季居邑之河陽里潛心理學讀古經有得取大學定

而後靜之義顏其讀書處曰定靜齋郡人王寶爲之記光菴集

王偕字叔與居邑之荻溪元亡隱居不仕以詩名有荻溪詩一

卷 王慶藻先民事略

鄒伯常富而以修潔稱家有雲文閣多蓄鼎彝書畫與名流宴

賞其中有趙松雪幼與邱壑圖尤所寶愛後避難東徙家資

委棄而此畫不忍去手楊維禎贈詩云萬金家產不復惜特

爲會稽山水來

鐵網珊瑚參玉
山草堂集

明

傅善字則明文詞典則元季鄉試乙榜洪武初預修元史授常
熟教諭知府魏觀行鄉飲酒禮長洲教諭周敏侍其父南老
善亦侍其父至皆降而北面立觀禮者以爲盛事感官潞州
知州

張恕字以行學優才博洪武三年被徵御試春山新水詩稱旨
擢盧龍知縣厲操清白處事詳明有啜醪稿舊志

鄒立誠字九思宋龍圖學士浩之後南渡時浩子昞與弟昭來
居邑之四十四都名所居曰東始莊立誠洪武初鄉貢授全

常昭合志稿

卷三十

人物九 文學

九

州判官長於詩賦有全州稿佳聲集桑志子貞字士堅應人材

薦任絳州同知姚志族有永年者字士能制行高潔不慕聲利

喜讀書年八十四卒曾孫穎字會原有清才能詩文兼善楷

隸以薦爲四譯館儒士穎孫察字明卿以長洲籍登進士由

部曹累官知府性至孝有復節姑墓事

錢陳志參
氏族考

蔡綱字確庵遠祖興文宋淳熙間以諫官謫常熟遂家焉綱明
初補諸生隱居拂水巖著有幽蘭集浮鷗集輯史畧太極圖

解姚志

陳則字文度三家市人高啟北郭十友之一以詩名吳下明初

以秀才薦任應天治中遷知大同府

列朝集小傳 按三家
市在雙鳳四十三都今

李大還自號丹邱生沙溪人善屬文嘗作蘇社妻郁烈婦壙銘

續者謂未旌烈婦有賴斯文

琴川三志補記

孫彥和世有隱操雅好音律自號枕流樵者洪武辛酉舉賢良

方正以疾辭所著樂府名虞山樵唱林逢吉爲之序

錢志

陳璋字天章少以家累戍雲南老歸於鄉永樂中嘗進爲君難

大禹勤儉自謙二疏著古齋集

桑志

季篋字仲怡其先有名壽者字景仁洪武中御史藍勝臨縣羅

織平人鍛鍊成獄株連百餘家壽詣闕陳狀明祖卽遣張定

來代勝伏誅壽年至八十三篋有文學精於纂述永樂末以

常昭合志稿

卷三十

人物九 文學

十

經明行修薦預修大典授崑山訓導遷曹縣教諭嘗修邑乘

而未成所著有友梅集崑山崇明二志

崑新合志參陳志

其後有名

鶴者字聲遠治經有名以講授爲業舉動有儀詩亦莊麗有

松雲稿鶴曾孫允濟字德威以貢授餘姚訓導遷長沙教諭

兩署縣篆俱有政績遷新喻王府教授著松雲續集又有名

儒者字席珍諸生好談民間疾苦每撰書累數千言曰當事

巡撫張鳳行縣儒以邑災傷陳鳳倦聽稍引卻儒升堂挽其

裾請畢其說歲歉縣督逋急儒與令辨府官前令詆儒狂生

府官曰此志士奈何詆爲狂酷令黃慶捶殺人亡算獄淹繫

常滿則繫於倉不數日死過半至聯舟載屍以出南臺御史

鄒濤聞而欲治之訪於儒儒以實告鄒曰此之謂國人皆曰可殺者儒有兄遭外侮傾身赴之平居退然如不勝衣書法

趙文敏

錢志

張衡字以平詞翰俱美永樂初徵入禁廷書誥以親老乞歸生三子繼字信中端肅沉靜以儒業淑人緒字廷瑞居鄉校有才名以詞翰薦會昌侯府教授善寫墨竹亞於夏昶純字粹中生懋懋字時勉正統六年舉於鄉授衡鄆訓導升武邑教諭以德行訓其徒著遜志錄歸閒集邑令為立儒英坊懋生三字堯民字從仁通經史嘗分纂邑志湯民字從禮有和陽子器早期詩三百首安民字從敬亦好吟詠

桑志參錄志

常昭合志稿

卷三十

人物九 文學

十一

陳琦字叔良北山先生曾孫父德遠元末自閩徙居邑之支川有隱操琦長於賦詠趨造端謹鄉閭推善士編修劉素誌其

墓

支溪小志

子嵩字景陽亦長於詩門人章珪誌其墓

舊志

唐瑀字以璣雙鳳人洪武初其家以貲饒徙實金陵從翰林沈雲門游工詩文永樂中以應天府學生授萊陽縣典史子韶字尙虞成化十年進士知蘭溪縣有政績擢御史巡按山西

孫符太倉籍進士官御史

雙鳳里志

季復春佚其名

或云季復字春甫

以才行擢工部主事謫隸戍籍累薦

拔為甯海令與魏伯廣張宗海吳文恪輩游

龔志

周宗魯字宗道沙溪人和易有清思律詩尤俊拔永樂間貢未

仕卒 錢志

陳繼宗字復本篤志儒學長於古選著有筠坡集勗齋稿子表字世望克紹家學有司屢薦不就性豪曠善吟詠有詠史

集琴川新詠

桑志

錢義字士宜諸生性謹愿篤志問學以尚書貢入成均宣德初

授行在都水司主事坐事歸吳訥志其墓

康鄉續記

陳卿字祥卿讀書談道與王文忠禕善禕過常熟贈以詩諷之

仕艱終不仕

陳志

時有芝川人周敬脩者佚其名自號萊庵龔

詡避迹時主於其家詡有贈萊庵先生歌

野古集

魏忠字原本侗好客構樂賓堂於報慈里鄧溪之上張淇為

常昭合志稿

卷三十

人物九 文學

七

記稱其林深徑幽為一邑之勝一時賢俊多與之游

家述

高德字以仁以鄉舉官寶坻教諭遷國子學正轉助教致仕歸

賣文自給其文整贍與邱方季篪相上下子巽字良順精於

治經鄰邑士多從之游以舉人授潼川州同民樂其簡靜卒

於官從子鼎字良新在孕失父既長語及必感泣舉鄉薦擢

知歸州有撫馭才母氏以節孝聞愛其女鼎迎致於家同居

白首

徐道南號小筠以詿誤謫戍州將重之延為幕客相從兵戈間

不廢翰墨所著要林等書甚富

錢志

陳繼善字從道居塗松崗嘗梓行張脩撰中庸講義以教人家

多田患子孫多取大書平軒二字顏其堂陳志子符字原錫少

嗜吟詠工選體從吳山吳文度游吳沒無子符臨其喪盡哀

葬之如禮養文度妻以壽終葬亦如之每歲登壘祭掃凡五

十年有存誠齋集弟續字原嗣以孝稱續子蒙字允德居穿

山下博學工詩名動一時嘗游杭之西湖詩人皆會限韻以

賦蒙詩成坐客盡傾有泛雪集育菴集和唐音行世桑志參杜瓊紀

善錄沈石田集

邱方字仲野東海侯岳之裔性至孝博學宏文正統初應賢良

方正科授泰和縣丞居官廉慎夷坦愿二考辭歸少師楊士

奇贈詩云南平邱少府清澈玉壺冰可以想其風概矣其文

常昭合志稿 卷三十 人物九 文學 三

無纖靡習著松濤集孫雲鶴字世騰以鄉舉知湖口縣有治

才立筆勁健有家矩人稱西園先生管志

張繼字克紹其先金壇人本姓嚴父寶洪武初任咸陽縣罷官

徙邑之湖南繼清修篤學與陳九疇齊名正統中有司舉懷

才抱德以母老不行詩律圓妥有正菴集

計嗣字蒙正屬詞有理致治涑水通鑑人有叩請輒舉之終篇

不遺一字行亦謹介縣俊多學其門著蓬菴集桑志

錢暉字允暉昕從弟景泰間納馬助邊授浙江都司經歷能書

真隸大字善吟嘗闢南臯別業有山水花竹之勝日與騷人

觴詠自娛其詩有六朝遺恨晚山青之句傳誦詞林昭志

李蕝字永錫工詩著樵讀吟詞句清拔與弟樂字永和並隱居
教授時放舟尚湖浩歌浮白兄弟相酬和蕝三子應夔字韶
卿以舉人授磁州學正降鄆城訓導應麟字瑞卿與兄並以
詩名應虞字仁卿亦舉於鄉官仁壽知縣應夔曾孫允熙字
緝夫少有大志爲諸生治曲臺禮通天官壬遁家言允熙子
象璧字兆圖舉人

錢志

徐澤字德潤欽天監中官正忠之元孫持已方介淹貫經籍頗
好言兵成化十年舉人仕平谷學教諭撰安邊策數萬言以
干鎮守大臣時無知者舉歸補宜春學有文集從子甸字子
服以舉人官增城知縣數從湛若水講論嘗書齋莊中正四

常昭合志稿

卷三十

人物九 文學

齒

字以目佩舊志甸子士元字順齋娶瞽女偕老無間言士元子
耀祥諸生積學工文邑令楊漣表其門曰篤行君子

言志

周師敬字彥翼詩文有典則教授里中多所造就人稱新菴先

生

鄧志

陳九疇字公範號悅齋弱冠卽有志性理之學嘗讀周子通書
疑其倫次無統因其遺文九篇之語以意定爲九篇篇有解
又謂聖學莫大於求仁述求仁至言憫東南數被水患而白
茆廢不治述水利事宜一書象緯占候方技之學無所不窺
嘗入郡泊岸下命亟移舟曰此有火厄有頃火果作弟九韶
字公美記覽精博以讀書勤苦得目眚沈石田賦牡丹詩所

謂尊前花好客亦好指公美也韶子修字子身性狷靜通五

經府縣志參

錢東湖集

繆伯雨工詩有虞山樵倡暨陽黃常爲之序其詠物詩二百餘

首爲時所稱桑志

馬儒字良佐父中字叔正肆志於醫日以濟人爲事不責人報

儒由舉人官西平教諭擢知臨湘縣歸無餘貲自號元圃鹿

奴筆墨富爛以通捷先人宏治間與修邑乘鄧志

耶名號懶菴攻苦讀書動以古人自期居石墩足未嘗入城市

爲詩有唐人風預爲生志錢仁夫序之曰懶菴懶於趨時獨

不懶於賦詩懶於應世獨不懶於後事錢志

常昭合志稿

卷三十

人物九 文學

五

陳翥字鳳翔父紀字叔理有孝行翥游張洪之門以歲貢任吉

安府訓導其在庠序資望久著吳文定李文安王文恪諸公

皆其執友文恪贈詩云鄉議推君久科場慚我先其績學不

遇可知已著一得居士集二十卷舊志

徐禎卿字昌穀舉進士爲大理評事時逆瑾用事虐刑羅織禎

卿多所平反作猛虎行寄慨幾得禍調國子博士年三十九

卒少爲詩清俊婉麗與文璧唐寅王寵齊名號吳中四才子

入仕後遇李夢陽又變一格所著有譚藝錄迪功集自常熟

徙居吳縣木邑人也陳志

李慶雲字瑞卿義士粟孫諸生世居白茆港究心白茆水利正

德末尚書李充嗣奉命治河議浚白茆慶雲撰水利芻言一卷中列二十策將上之會巡按馬錄苴虞見其書躋之命驛召慶雲以見李李深加延納繼屬吳江丞胡菘給舟車俾相三吳水道歷丹陽溧陽荆溪宜興吳江而還事竣復李書具道五堰百瀆通塞之利害其書附見芻言後琴川三志補記

陳襲字承甫播之族從談勿菴游著有節慎齋稿

吳苑卷集

夏玉麟字仁甫幼聰敏中嘉靖癸未進士仕至黎平知府能古文邑中碑版多出其手

張煒字橫塘爲諸生博覽羣籍所著歌行詞曲才藻蔚然可觀弟熠字河陽亦工詩子應遜字選卿諸生輯海虞文苑二十

常昭合志稿

卷三十

人物九 文學

夫

四卷受醫學於繆仲醇著炎黃緒餘懸壺衣鉢

錢志

韋渙字思聚嘉靖中以貢除仙遊訓導著雅樂考二十卷自三代迄今甚備臨終囑其子繼和獻之繼和亦善音律隆慶四

年五月奏上命付秘閣今閩中有行本

錢志 按言 志渙誤渙

李在字虬軒居邑東三塘以高才生爲郡守胡公纘宗所知諮以時務每謁見必送之門外偶於赤日中立講李汗下胡公命左右爲之張蓋他日特置一蓋張之縣令某特爲置程子衣以別於諸生每入見言事縣令望門外服是服者輒倒屣

迎之

柳南 隨筆

王授字元子父澄字文潔好行仁義歲稔施糶以歛道殣狄雲

漢爲吏廉無立錐地澄買屋居之嘗拾遺還其主年八十卒
授少負異才治經考核精詳爲文簡嚴能詩詞著有遺子集
十卷元州集二十卷授弟揖字元肅嗜學工詩與王寵善由

國子監生累遷沂州同知王世貞諸名流稱爲吏隱

錢氏參氏族志

授子伯稠字世周少有俊才父攜之入京師王世貞知之請

與相見曰故是吾輩人爲諸生尋謝去肆力詩歌與王逢年

爲中表兄弟遂移家居崑山卒年七十三

崑山合志

張書紳字思誠嘉靖癸丑進士八歲時塾師出偶句云鄉黨一

篇無子曰即曰邦畿五節盡詩云蓋絕對也與瞿文懿齊名

謁選知上虞縣值倭入寇書紳以修築賈怨爲督府所罷後

常昭合志稿

卷三十

人物九 文學

七

仕至金華同知

錢志

陸文字汝學性情退素不耐俗聞叩門聲輒逸竹中以去嘗從

沈石田游間作小畫善飲既醉題險韻立就

錢志

金澄字湘川爲諸生負經世志島夷寇吳越胡宗憲辟爲叅謀

以奇計誘降汪直徐海宗憲欲官之澄固辭督學耿定向倡

明道學郡守蔡國熙創立書院俱聘澄爲都講著有魯論測

微守城要畧東吳水利各若干卷

管志

宋懋中號翠巖歲貢選授永嘉縣教諭爲人正直方嚴五與賓

筵著有詩緒一卷子奎光字培巖能詩詞古文工書法以舉

人選龍川縣改盜海修盜海縣志首增入方正學以表忠節

投簪後修天目徑山兩志著貽白堂緒箋等書

錢志

陳以忠字含赤治春秋精熟三中副榜晚年目眇猶為弟子講

解口誦四傳不誤一字年八十餘

錢志

夏元玉性謙厚與物無忤館授於外開導懇至諸生悅服淹記

載籍其詩婉麗有佳句

錢志

沈冕字石邱取陶詩意名所居曰四止窩著有止窩集

管志

孫忠字虞陽由太倉州學貢少貧困與父同作苦儒賈雜奏而

文學益嫻凡子史百家及天文地理內外典籍靡不博綜嘗

言唐中丞所著左編駁雜不精因著二十一史纂又著歷朝

捷錄諸子百家輯要

陳志

子文龍字明卿萬歷進士授儀封知

常昭合志稿

卷三十

人物九 文學

六

縣考最擢南工部主事升郎中出為承天知府

管志支溪小志

吳邦彥字士美熟於性理通鑑諸書著論詳贍里中稱經師

錢志

管一德字士恒孤苦力學有聞於時舉鄉試第二中丞顧益卿

家居與一德縱談禦倭方畧一德謂今國家之患恐不在倭

河道尚書楊後山與談治河一德謂古來治河無百年之計

而持文墨議論者往往計成敗於歲月今明公雖有端緒第

恐數年間河徙不常而議論者復持其後矣二公俱以為知

言修常熟文獻志著世家考瀝陽集經傳子史參同四書閱

覽詩經閱覽等書

錢志

徐漢稚字穀梁工詩與松江莫是龍遊是龍集客賦詩漢稚先

得竹下暮烟暝花間寒漏長之句一坐盡傾著有應游草朝
微獮稿及塞下諸曲

昭志

錢文光字純中少與江陰繆文貞昌期同硯席博聞強記所為
敘記哀誌之作與當世文章家馳騁上下

錢志

何夢齡字與九祖允濟字商楫舉人官嶧縣知縣能詩好獎借

後學

屠隆傳

夢齡讀書過目成誦通經史百家言爲詩古文皆

有法度游雍士大夫爭延禮之以人材薦授誥勅中書母憂
歸輯春秋三傳曰伯主源流學者宗之子其仁世其業爲專
經名家

錢志

孫本仁字惺如當隆萬之際與弟閻如迭主文壇門弟子執經

常昭合志稿

卷三十

人物九 文學

五

間業多貴顯者晚年築室山中超然塵外題其楹曰大安隱
子鏡字非臺亦好讀書爲隱士

陳志

瞿純仁字元初莊八世孫祖依京字 年十八讓貲與兄九

國學身代父應徭役閭左有大議邑宰及鄉老並採其說又
傾身爲人先不辭勞費純仁少穎悟依京奇其才構精舍拂
水巖下俾讀書其中一時名士瞿汝說顧雲鴻邵濂輩皆樂
與游拂水文社遂甲吳下純仁狀貌豐偉如河朔儉父而所
爲文妍麗如時花美女生平不治生產不得志以死純仁孫
有仲少游陳瑚之門與人交常呐呐不出一語對知己則辨
論泉湧驚其座人其詩亦多鬱勃感激之概著焚餘集有仲

兒師周號漆園亦能詩有惜雲詩草

舊志

陳大亮字熙伯年十六選貢南畿第一才名籍甚與顧起元朱

之蕃相埒

陳志

朱應鸞號玉林郡諸生攻古文詞造請者無虛日兼工書法

錢志

許應科字孟山河從子廩生巡按御史劉某咨以水利延入幕

知府蔡國熙創中吳書院合九學生講藝其中以應科為首

諸生皆師事之從子時省號箕山萬歷丁酉舉人為人曠淡

寄情詩酒令餘干有傲吏之目從弟時登尤有高韻以柳枝

詞致於西寧宋夏光至今傳之

陳志

戴元威字翔虞個儻負奇文思儻捷舉萬歷三十八年進士知

常昭合志稿

卷三十

人物九 文學

三

臨淄縣以賢能名從弟元美字黃中浮湛諸生中有司試輒

第一其文膾炙人口修行義篤然諾里中有稅徭利病抗音

稱說郡縣有司前往往往引載生云何以為證據

舊志

許重熙字子洽河孫諸生以史學著崇禎二年太守聘修府志

九年刻五陵注畧觸誠意伯劉孔昭忌將發難祭酒倪元璐

爭之因并攻倪牽連參閱姓氏七十五人俱東林知名士時

溫體仁當國陰主之擬旨推究三上不允而後解周延儒復

相令所親敦請不往所著歷代通畧大臣年表行世宋史增

定新編綴籬草旅寄軒稿未刻子嘉祐字宜生博學不應舉

學者多叩質焉著語語集

陳志

從弟重進字子野事父士翟以

孝聞與其兄重達重遴相劇切復社中有三珠樹之目陳志

陸銑字孟鳧少有文譽以歲貢授無錫教諭除廣西潯州推官

升養利知州致仕晚年讀書樂道鄉里推為長者兼精醫術

陳志弟鉞字仲威工詩善音律與兄齊名海虞詩苑

倪鉅字偉長稟性寡諧勤苦好學著有滇南紀亂錄補韻府羣

玉廣蒙求經鋤堂結繩蟲等書陳志

周景星字岐雲少游太學有聲晚闢萬竹草堂清遠樓吟詠其

中陳志

高用光字若抑諸生篤行好學教授弟子必勗以實踐王夢鼎

夢鼐俱出其門陳志

常昭合志稿 卷三十 人物九 文學 三

呂庸字時中資敏博覽以筆墨治生為應酬之詞瞻麗可觀性

簡率有所造留之不拒飲輒醉士皆愛厚之陳志

湯日新字伯銘諸生有志節屏居野外其詩與谷音為近詩苑

姚宗儀字鳳來博學多才輯邑志二十卷以族姓類敘搜採無

遺同時有俞憲者字民度趣尚高雅以詩翰見推於時縣志

錢希言字簡栖順德從子博覽好學刻意為聲詩王穉登折輩

行與交屠長卿湯若士皆稱其才然恃才負氣所如多不合

所著松樞十九山才情爛漫罕見其比又徵古今劍事撰劍

策通記採摭詳博梁溪鄒迪光序其集曰簡栖舌本木強人

事殊不了了與人荒荒忽忽人近彼遠人遠彼近都無况味

及讀其所著書而與之交土木其身而龍虎其文無味轉爲有味當時以爲真知希言也

錢志 陳志

陳三恪字象賢翥弟翰曾孫翰字鳳文有孝行孫士介字于石奉母亦至孝手定宗譜留心經學三恪士介子也早夜力學火燃巾角伊唔弗輟旁通堪輿卜筮壬遁風角家言嘗游京師過孟津有異風三恪筮之曰國有大火又嘗有大喪未幾乾清坤甯兩宮災仁聖太后賓天天啟中私告所知曰歲丁卯聖人龍飛水火薄射其猶剝復之交乎皆如其言綱羅舊聞摺據成書名曰海虞別乘好歌唐詩以行酒鼻鼈牙豁聲從齒縫出嗚嗚然如發蠍竅座客目笑殊自得也子德涵亦

常昭合志稿

卷三十

人物九 文學

三

以博雅稱

舊志

錢安修字方明爲諸生七試皆第一好讀異書窮日夜靡倦游於張溥之門稱高第弟子所爲詩古文詞堅古峭直一時名士如呂雲孚華渚輩皆與之遊年二十九卒

府志參 依歸集

鄒泉字子靜號嶧山立誠九世孫美風儀有聲庠序晚舉舉子業著書澗谷山中有宗聖譜尙論編經世格要四書折衷翼衷口義會粹詩經約說督學顏其門曰名儒巡按御史甘士价造廬咨訪古禮稱爲吳與弼之流卒祀官子書院

先哲考

盧儒字爲己博學能文善筆札文學韓柳書法歐顏以薦授中書舍人嘗被命作雪賦諸臣未就儒立成以進詞林嘆服

通志

馮復京字嗣宗玘元孫強學廣記謂冠昏喪祭不當抗家禮於會典作遵制家禮四卷羅舊聞述先德作常熟先賢事畧十卷族譜四卷晚見寶錄謂通紀詳而野吾學裁而疏弇山炫博妄而謬憲章典則自繪無譏作編年書駁正得失曰明右史畧草創未就卒

府縣志

邵濂字茂齊天相曾孫少負俊聲爲諸生攻苦讀書善談名理其於學旁通鈎貫不名一家尤精毛詩爲人達心而多可意氣奔放從游者雲集至賃屋列肆以居爲歌詩清曠元淡有

水雲集行世

府志參錢陳二志

潘榮字顯甫居陋巷好讀書不妄交往來者惟陸銑錢曾及釋

常昭會志稿

卷三十

人物九 文學

三

道源而已嘗著法苑紺珠集貫穿三藏繁簡博約殆將合珠林一覽而爲一書錢東澗極稱之其他著述甚富錢曾讀書

敏求記亦曾及之稱爲虞山隱君子

柳南隨筆

王祚永字厲吾年十七而孤痛自刻厲飭廉隅重然諾有長者風邑中諸巨室爭延致之家塾錢侍御延宅輩多出其門晚歲與賓筵邑令題其堂曰令德壽豈

錢志

曾道生字立甫諸生三歲失恃事繼母盡孝弱冠與顧雲鴻諸人同事拂水文社貫穿三禮嘗言朱子以曲禮內則少儀玉藻深衣爲一類世子禮運禮器郊特牲明堂位大傳爲一類經解儒行哀公問燕居閒居坊記爲一類學庸學記表記緇

衣爲一類義例可考惜晚年未成書也乃因其意纂輯爲十

四卷五與賓筵

舊志

錢訥字修立居邑之五渠自少敦倫紀勤學問崇禎九年舉於鄉謁座主問鄉先達某譜系答曰某寒士也不敢附貴族其耿介多類此教諭穎上士類畏愛之里居規言矩行五舉鄉飲大賓年八十而卒

陳志

周休初名浚字賓侯號參宇支塘人懋曾孫祖鐵川號蕭溪諸生博學有文負風鑑顧太常雲程方數歲一見卽決其遠到字以女親教督之休爲諸生以通經學古爲務與馮嗣宗顧仲蒸相切劘爲文排鼻妥帖孫雪屋嘗稱之負奇不偶安貧

常昭合志稿

卷三十

人物九 文學

詩

守道久而彌篤晚得蹇疾徙居茜墩自號蹇翁

支溪小志

陳瑚字言夏先世本張氏自代州遷常熟瑚中崇禎壬午鄉試後與門弟子爲居敬窮理之學所著聖學入門書四書講義求道錄切己錄同善會語講學紀事及詩歌古文學者所安道先生湯文正撫吳則其故居建安道書院

陳志

楊彝字子常唐市人父準字耕莘侷儻有才幹萬歷末士之爲時文者喜倡新說畔違傳註藝與太倉顧夢麟思振其弊相與講論辨難力明先儒之說遠近翕然稱楊顧學弟子著錄者數百人吳中名士與應社彝爲眉目屢試不遇以歲貢爲松江訓導薦授都昌知縣不赴性孝友母歿嘔血數升斷酒

肉終喪撫孤姪有恩少所師事死獨力埋之且爲婚嫁其子女晚歲目盲猶令人讀書其側爲諸生講說無少倦年七十九卒子靜字定夫自少能詩文爲諸生年二十二病卒府志

孫永祚字子長號雪屋幼卽貫串經史爲諸生有名工古文詞一將物望如董其昌鍾惺皆爲忘年交世稱虞山有兩子長

常長同音謂楊繇永祚也崇禎乙亥以選貢授推官不赴隱

居教授從學者傾郡縣每語弟子曰文章事業不從五倫中

出者總爲無本之學父母歿數年常思哭如孺子身長八尺

鬚眉如畫雖居處幽室氣體肅然年八十餘卒門人私謚文

節著有夜氣箴雪屋詩文集子暘光字麗明諸生操守篤謹

常昭合志稿

卷三十

人物九 文學

年亦八十餘

張以行家橫涇優於賦詠有西崑風格

錢志

瞿斗暘字道樞善屬文砥礪名節動以古人自期族人忠宣公

爲立傳謂如古人中黃叔度王彥方一流人

舊志

褚道潛字休菴副使圻之後通古今有幹畧嘗謁史忠靖可法

於軍前甚見賓禮尋歸隱詩句如三年讀史胸多壘十載發

弓臂不仁綱常自許人千古意氣聊歸酒一樽却塞磊落自

是奇士

昭文志

張星六字晚菴師事楊子常顧麟士陳確菴通毛詩經疏與門

弟子講道昆湖之南著六經闡微羸提集

陳志

郭際南字春卿喜讀書善填小詞著唐詩人姓氏里族官封考
藏漢書半部字體與今異每詫人曰此卽西晉過江時葫蘆
中本也卒以殉葬錢陳二志合纂

何述稷字功藝邑諸生工詩賦明末倣香山樂府作寓言其文
曲其詞危已而其言多中自號晴簑道人性好山居無力買
山作山居詩百篇陳瑚爲之序子畋字道林亦能詩書學褚

河南有薇蘅集陳志

范賀字鼎九釣渚人工古文乙酉國變聞野哭聲跡之乃蘆葦
中小舟二人問姓名一爲顧祖禹一爲黃守中遂訂交焉著
有常熟志遺附其族子楫所作志畧後今佚釣渚小志

常昭合志稿 卷三十 人物九 文學 美

鄒聞望字名世重厚簡默博學尙氣節凡天官地理六壬太乙
奇門之書無不精討明亡棄巾衫焚筆硯足跡不入城市隱

於醫年八十餘卒陳鼎撰傳

國朝

馮舒字已蒼復京子幼承父教家多藏書年四十謝去諸生與
弟班並自爲馮氏一家之學吳中稱二馮尤專力於詩賓筵
客坐持論輒斷斷不休凡當世所推尚若前後七子悉受培
擊嘉定程嘉燧時目爲詩老而舒塗抹其集幾盡東二張
方舉復社講學慕舒才招之舒以社名犯父偏諱謝弗往爲
人直腸快口遇事敢爲不避權勢小人疾之如仇會奸民張

漢儒入都誣訐錢瞿兩紳舒委曲營救漢儒黨陳履謙謀竄舒名於捕檄中遂并被逮漢儒等尋以奸謀敗露荷校死舒乃得釋歸里邑中漕糧諸弊惟舒能洞悉翼蘇民困屢上書爭之邑令時邑令瞿四達素性貪酷憾甚羣小又搆毀其間遂指所蓄懷舊集爲訕謗曲殺之著詩紀匡謬一卷採入四

庫

陳志參海虞詩苑

馮班字定遠舒弟少爲諸生連蹇不遇遂棄去發憤讀書專攻詩學其論詩謂王李死擬盛唐詩道所以大壞於是窮源溯流自三百篇以下一一考其根柢明其變化所自其論文謂韓吏部之文古文也歐陽公之文祇是今文不如唐人四六

常昭台志稿

卷三十

人物九 文學

七

尙有古意古語書法四體皆工尤精小楷其爲人落拓自喜意所不可掉臂去之曾有所得曼聲長吟經行市中履陷於淖衣裂其幅如無見一人者當其被酒無聊抑鬱憤懣輒就座中慟哭人亦不知其何以班行第二時稱爲二癡班亦卽以目號所著鈍吟雜錄採入 四庫又有馮氏小集鈍吟詩文稿子行賢字補之弱冠能詩舉博學宏詞工書法尤精篆刻匹文三橋與錢陸燦同修邑志行貞字服之亦喜讀書工填詞性倜儻不羈善射能以後矢落前矢投石百步外無不中從休甯程打虎受槍法馳突如神康熙乙卯從康親王南征有功當得官棄歸仍事筆硯間畫松石

舊志

錢嘏字梅仙陳瑚高第弟子學有原本不務詞章客游四方必
事父母木主以往所至焚香上食事之如生有問業者必語
以分年讀書之法善鄉飲禮辨家禮彙叅三吳水利議

顧德基字用晦玉柱孫博學多聞工吟詠晚年與毛子晉輩為

尚齒會有海雲樓集支溪志子茂位號春江諸生有補溪集又

顧雲嶠號二白亦諸生能詩支溪詩錄

陳芳績字亮工居東唐墅父梅明諸生與顧亭林善亭林口知

錄論保甲曾採其說芳績著有歷代沿革地里表與歸晟為

友均為亭林所賞晟歸氏世譜及虞陽科名錄均作恒晟字成伯諸生勉學勵

品工詩亭林集參歸氏譜

常昭合志稿 卷三十 人物九 文學 美

顧資仙字仙來父嘉徵字仲祥人品端方教授里中錢志資仙生

而喪母事繼母桑孝謹順治壬辰舉於鄉其場屋之文為學

者式陳志

王欽汝字仲諧少研經史有聲譽序敦重孝友秉性方介與人

交必盡肺腑子登朝西華知縣陳志

陳新芝字徵靈少有才名由歲貢訓導安慶海寇臨江新芝訓

多士以大義士無從亂者事平論敘不受遷豐邑教諭舊志

劉本沛字兩若諸生晚自號逋髯稟兀有大志著自怡集二卷

擬古樂府一卷海虞詩苑又著虞書記邑中逸事甚詳

丁元貞字長人博綜典籍闡發傳注著敦宿堂稿隱居頂山吟

詠不輟年八十餘疾革朗誦四書五經不訛一字

陳志

錢龍惕字夕公諸生詩宗溫李曾箋玉谿生詩又著有大充集

弟龍躍字子飛從子興國字孝標亦皆工詩有專集

海虞詩苑

歸元俊字用章諸生少英敏與孫承恩作了閑文被黜後歛華

務實年逾八十手不釋卷舉鄉飲賓

陳志

王孫苻字瑞生籍江陰庠嚴於訓課學者有微過輒對案不食

不語俾悔悟自責乃已

陳志

季廷纓號虎溪所居樂野齋在北郭厲壇側有古松蟠結如蓋

值戰艦需材將伐之廷纓力不能保晨起望松拜祝翼日伐

松者感夢事遂寢人因呼為四拜松好武林山水作西湖游

常昭合志稿

卷三十

人物九 文學

无

覽手鏡標山作領分為四支視舊志詳確倍之子才字元長

寄籍無錫補諸生與吳門尤侗同遊宋寶穎之門工詩著有

北園集孫鳳光字文起亦工詩嘗詠文村八景曰御橋春水

湖墅秋月南臯錦樹東園香雪雙松插雲萬楓落日漁浦荷

香村寺鐘聲鳳光子文潮字若韓為邑經師而屢躋棘闈却

鬱以終其詩有世間詎有埋憂地從古原無可問天之句亦

可悲已文潮子喬再字士一修季氏族譜

海虞詩苑參虞山人文續鈔

許玉森字仙枝篤素博學為文長於議論著學語集有家祭考

女貞節取說原律禮等篇

陳志

許天錫字耐章重進子考授州同敦品好學工詩著有字體辨

景教質疑縮香芳洲等集子巖聚字寶君諸生精漢隸工詩兼善丹青著有桐花書屋詩鈔言志

許山字青浮父宸章字彥徵以副榜官浙江副使事母至孝山年甫弱冠念父宦遊遇兵道梗乃自吳趨越足繭血淤忍痛丐食而往邏卒呵之泣以告僅而得達時父已掛冠居金華山中初見不相識已而相向哭失聲遂奉父問道歸不求宦達甘貧苦吟有棄瓢集八卷喜畫秋花病蝶落雁寒蟬以寄其蕭瑟之致卒年九十有六子三徹字陽谷最知名為詩豐腴工穩有秋樹軒詩集永字南交繪事色澤鮮妍神采飛動康熙中修幸魯盛典議敘州同易字朔方弱冠游太學以

常昭合志稿

卷三十

人物九 文學

三

石鼓賦知名京師同里嚴虞惇亟稱之謁選得嘉善主簿著

有惕園詩草

舊志參海虞詩苑吳卓信撰傳

陳帆字際遠號南浦篤學好修詩宗晚唐畫宗梅道人字宗柳

誠懸三藝中書法尤勝夙亦狷潔

錢陳一志

吳鷺字鳳族諸生著讀易等見博引羣書證明易理子宏緒亦

諸生有詩名著有竹嶼集

陳祺芳字子壽諱生客游半天下所交皆一時勝流詩文豪宕

有逸氣著韜菴鷗波譜集又陳濤字滄漁與馮班陸貽典倡

和有長留集

陳志

王圖昌字龍士有聲文社會糧案註誤慨然曰我身可錮心不

可錮也年高賓於鄉飲弟子侍後甚盛觀者稱完士焉

陳志

龐龍字眉叟其族祖有諸生名大用字賓虞者與嚴文靖瞿文

懿劉蒙山沈句元張三吳金北原邵北虞沈巫澗孫百川連

龍巖孫萬川結文社稱虞山十二傑龍由鹿苑徙支塘之鳳

凰涇隱居教授足迹罕入城市善吟詠篇什甚富沒後散佚

其行舟十詠最工邑中錢木庵許蒯庵諸詩人每傳誦之

海虞

詩苑參支

溪小志

殷再巡字二南諸生早卒詩律沈雄有香涇仙吏遺集趙執信

曾為點定

別裁集傳

顧瑤光字辛峯諸生糧案註誤專精詩賦有遙情勝致

陳志

常昭合志稿

卷三十

人物九 文學

三

陶宗侃字晉英副貢生少力學教子識字謂如孝弟忠信四字

隨時體驗隨事力行方識之不然雖登科入仕未得為識字

人也

陳志

錢璋字柔來讀書務窮旨要補諸生試高等晚年鍵戶不出著

治平補要年八十卒子嶸字柱高號東霞年垂五十始學吟

有性餘集多老莊家言

續海虞詩苑參支溪志

周臺字雲書號夫須諸生篤志好古為文章辨析義理絕有卓

見著清遠樓集

陳志

宗來復字九初諸生才筆敏秀有春秋諸傳彙鈔

陳志

徐蘭字芬若號芝仙少負才名善吟詠從新城王士禎游所學

益超詣士禎稱其精悍雄拔浙水沈方舟屈指虞山詩人亦以爾爲第一有芝仙書屋集一卷弱冠游京師遂占籍焉歷數十年僅一歸邑中罕知者素工繪事白描人物尤勝嘗從安郡王出塞所見祁連山中花數十種皆豔絕不知名悉圖以歸京師好事者爭臨摹以識詭異雍正三年已六十餘矣以訟事牽連編管天津

別裁集參

海虞詩苑

鄧林梓字肯堂敏曾孫年十三作空谷詩見賞於程嘉燧人以鄧空谷呼之高才淹雅膺博學宏詞薦入都卒有專集

舊志

陳協字鄴仙工詩詞阨窮潦倒家城西山麓日與馮班輩上下

巖谷下筆不能自休有鶴山曠谷諸集

府志

常昭合志稿

卷三十

人物九 文學

三

凌竹字南樓性敏多技能少游顧修遠陳確菴之門陸貽典云晉字唐詩宋詞竹兼有其長又工篆刻嘗錄邑中近時人詩繫以小傳又嘗有南樓集

舊志

戴淙榜姓劉字稼梅元威孫舉康熙辛酉順天試少負才名家有曰醉樓圖書藝鼎充叔錯列四方名士過者輒盤桓不忍去詩以晚唐爲宗見賞於吳梅村嘗北游燕趙南涉楚粵卒以客死著過雲集白醉樓集

錢曾二志

子惟東字心在諸生游錢

湘靈之門

虞山人文小傳

從子師敦字魯直少有至性九歲大母病

割臂肉以進丁父憂七日本漿不入口終喪不御酒肉領鄉薦後家貧甚濂取與惟以文酒自娛好事者或招之造飲輒

醉工八分書瘦勁得漢人法有詩古文若干卷後有戴炅字

占熊有文行著用愚草

言志

孫璟字畏之魯從弟讀書汲古雖貧甚猶命僦嚙侶錢陸燦嚴

熊輩樂與之游詩以逸致勝

海虞詩苑

子沆字師靖諸生孝友能

文授徒所入悉獻其親不欲遠游親固命就山東幕遂卒

陳陶

二志

繆夢淵字玉璘博學能文性質直往往為人所給里中羣目為

癡夢淵怡然安之飢驅出門族子斬邱木鬻祖塋淵老而歸

上控下訴一朝復十一塚

陳志

陳玉齊字在之詩品書法並經馮班指授班深器之著情味集

常昭合志稿

卷三十

人物九 文學

三

何焯為付劄勵學於玉齊者周楨字以甯詩格近晚唐

海虞詩苑

單嘉猷字微仲博學勵行工書善飲為詩古文落筆數千言未

嘗起草年三十四遽卒

虞山人文續鈔

衛一龍字復公諸生說書能貫通諸儒講義性方嚴為學者所

畏孫以孝曾孫茂萱俱諸生能守其業

舊志

李德培字紫飛諸生居紅豆村當東澗時未嘗投謁及山莊廢

隱培摩娑樹下吟詠其間者二十年有名山草奚囊集

陳志

沈卓字秋士諸生家貧居市廛而風致超然物外詩格近孟東

野李長吉有中峯東村諸集弟朗亦有聲譽序

陳志

徐淑字天英歲貢生選贛榆訓導力振學規不責贅幣攝縣篆

有廉明稱奉檄賑饑豐睢兩邑家至戶給吏不得營纖毫私
居鄉里有行義人信服之詩文蒼老尤邃於易普易經參解
二十四卷天官書一卷焚餘草二卷陳弟潢字天俊傲兀自
負不諧於俗著學古堂集一卷海虞詩苑

邵陵字青門爲詩風秀天然自題集後云性情原自無今古格
律何須問漢唐其雅意在眉山劍南間也有詩集十卷志

薛熙字孝穆游陳瑚孫永祚汪琬之門肆力古文詞著依歸集
謂遵守歸震川法程也湯文正撫吳延之幕下與修江南通
志晚歲移家郡城得元高士陳惟寅淥水園居之四方名士
過吳者必造焉選刻明文在一百卷論者謂可繼唐文粹宋

常昭合志稿

卷三十

人物九 文學

詩

文鑑繼妻王名蓀亦能詩有倡和集

府縣志

錢良擇字玉友號木菴性倜儻與人交必出肺腑意所不可盡

言招過弗顧也游歷幾徧天下所至以詩酒與知名士相結

爲詩豪放感激有撫雲集十卷出塞紀畧選唐詩審體

舊志弟

中樞字秋水諸生與良擇並以詩名有虞山二錢之目無子

女適海甯查氏遂依以居少耽禪著楞嚴經注八卷

海甯志

龔易字士居立本次子爲諸生有聞旣而好禪侍槩菴和尚於

華山旅寄於香山之嶺村詩學晚唐後放而入於香山務觀

如云交遊偶人禽魚社種植聊沾雨露恩菜子黃銷栖蝶圃

蘆根青斷釣魚磯其寄託如此

錢志

弟齊行字列御初名庸詩

爲馮班所稱子誠字白谷工詩性耿介克守家學貧不能自
存有餽以金者斥之窮餓以終有白谷山人詩一卷陶志稿易

從弟廷煥字孟明亦諸生少有文譽後棄儒冠會有薦之巡
撫土國寶者謂廷煥才可用土具書幣命無錫令造門勸駕
往反再三卒堅臥不起以遺民自處卜築江村不與世接年

六十六而終

海虞詩苑

周陳俶字義扶號平園世居支塘父學繼自常熟徙嘉定母陳
年二十三遺腹生俶育於外家以陳姓補諸生與黃陶菴同
硯席講求性命之學登康熙庚戌進士時年六十母尚在嘗
貽友人書曰某不以一第爲榮以老母一生苦節得稍舒眉

常昭合志稿

卷三十

人物九 文學

三

爲幸時母年八十三又六年終先是申酉年避兵遇大風雨
負其母以行母疾告天願減己算益母壽其孝行如此書有

娛錦堂集

支溪詩錄引
練音初集

陳如鑿字子融莊靖公嗣孫家貧棲桃源澗丙舍當歲暮老梅
放花微風入林雪片颼颼從松頂下顧而樂之長吟竟日弗
懈家人以絕糧告掉頭不顧性狷介不苟取有好事者遺以
壺漿斗粟伺其晨寢委之門外去及起得之以爲天賜然竟

窮餓死

海虞詩苑

黃庭字一經少從馮班父子游詩律精細與尹耜陳玉齊倡和

無間書摹趙松雪篆章亦得元人妙處

陳志

黃儀字子鴻門之曾孫精輿地之學謂班書地志所載諸川第
言其所出所入而中間經歷之地不可得聞惟水經注備著
之然非繪圖不能了然於心目乃反覆尋究每水各爲一圖
凡郡邑建置沿革山川險易皆縷析而條分之能補桑鄴所
未逮徐尙書乾學修一統志聘入書局資其考訂多用其說
詩學晚唐著有級蘭集二卷

府縣志參
先正事畧

張文鑛字以純先世休甯人自嘉興來虞遂家焉與汪繹爲詩
友性愛山水久客吳興有亦有詩集子道淙有雪溪吟

舊志

陸元泓字秋玉居邑東畢滌詩近長吉東野晚歲無家寄寓吳
門有長洲學博劉永錫貧困死元泓經紀其喪葬之虎邱每

常昭合志稿

卷三十

人物九 文學

美

歲寒食攜酒澆奠圖已像於水墨中自號水墨道人有水墨

廬詩

別裁集傳參
海虞詩苑

又陸階字昭平與秦蘭徵兄弟倡和有曇

園小集

海虞
詩苑

郭學淮字簪源少受業於蔣御史伊有志聖賢之學立日省編
以自勵伊卽令授經子弟焉年逾耆始以舉人授新津令以
儒術從政而事大治趨事勤折獄明分校稱得士引年歸卒
學淮家本貧父沒遺產悉推與兄而獨奉養其母兄斥產盡
老而無倚復迎贍之又婚嫁其子女置田宅以庇其生篤信
朱子之說撰四書鎖鑰多所發明學者宗焉子兆孫敏慧好
學以廩貢官荆溪訓導有才識爲上官委任勘災給賑盡心

周察謝病歸卒

陶志稿

蔣拱辰字星來詩宗樂天有吹劍集年八十餘與康熙五十二

年千叟宴適柏梁體古詩一章

海虞詩苑

王家震字雷伯又字鄰初夢鼎子少孤出入恭謹常置一册座

右題曰砭心錄書其心所受病者若干條用以治病者若干

條又薈萃古今人事可法可戒者爲一編朝夕省覽當事禮

聘講學與錢陸燦修邑志所著有視槐堂集二卷

陳志參海虞詩苑

又有王孫芸者亦與分修之役

嚴焯字子尹櫪子風流跌宕著有南虞小草子德屋字鱗洲康

熙己卯舉人足迹半天下能文詞尤工詩嘗有學吟草從子

常昭合志稿

卷三十

人物九 文學

毛

龍翔字闇公順治辛丑舉人淡於仕進詠歌自得臨歿神思

凝定以九思戒其子著有雲軒集

言志

德屋孫文豹半費夏乾

隆丙子舉人少時作秋日洞庭賦有風騷遺韻長益好學嘗

病三通浩漫積十年之功成合編一書又著編年要覽十六

卷測天要法八卷叢書輯要六卷兼善書考充官學教習因

親老假歸生平與湯愈陸士坊互相切磋湯之學精嚴之學

博陸亦天姿秀發然皆不永年

舊志

文豹長子大綸字經菑乾

隆癸卯常熟舉人能詩文工書有幹材父沒家赤貧負米四

方以養繼母之黔之蜀之楚足迹半天下嘗有虞北山房詩

稿四卷子光旭字宇照幼聰穎比長儀容秀朗衣帽蘊藉以

勤學死光謙字穎仙諸生英俊篤實連試不得志隱居石梅山麓蒔花飲酒怡然自得著有澹香閣詩家文豹次子本中字緯之與兄大綸並以孝友稱厚重寡言笑乾隆甲寅舉於鄉年已五十餘大挑二等未及選卒詩古文詞皆有法度著有松厓集子昌期字靜怡諸生嘗佐王觀察家相幕某邑令延閱試卷有餽重金求首選者堅卻之昌期子良福字介眉能文困於小試資志以沒家嚴丕式字芭園亦文豹諸孫道光乙酉舉人父一鳴字青溪諸生家貧好善年登大耋丕式精明強幹舉於鄉再赴春官不遇大挑二等得教諭署奉賢訓導居鄉如修城垣賑災黎瘠白茆福山諸河丕式首先出

常昭合志稿

卷三十

人物九 文學

美

贊並董其役為當世倚重家述

顧天申字輯侯諸生善飲酒酣抵掌間出新義不主故常著學

庸講義殊開悟人如嚴虞愔言德堅皆其高足也陳志

陳文照字介英昆季多事生產文照獨聚書纘言喜為激昂慷

慨之詞有劍浦詩集子奕堦字酉山亦能詩又陳中慶字容

士著中州草西秦紀游諸集陳志

王燾字聖交性聰穎善講論凡經史淵源抵掌談說歷歷如貫

珠簾瓢屢空而豪氣不減其詩清新雅麗有江臯集陳志又張

湖伊字萃菴性澹泊有南村靜寄稿陳志

周王命字令侯諸生好談當世大畧風俗利病著田賦水利考

救荒策有恒可堂詩草及方書陳志

姚倬字雲章諸生工詩古文孫陽稱爲才子有東郭留香諸集

又姚敬字武功亦貧無家日手一編坐市肆注馮鈍吟集自

著懷逸集一卷陳志

龔庠字勤僧工詩窮餓而死亦士之有守者陳志

單德棻字孔昭家貧力學工詩文一介不取以窮餓無嗣死者

春秋辨旨律呂探微易圖說巖厂居詩邵齊憲序

趙徵介字星瞻士春從孫早負才名康熙癸未以五經舉進士

選庶吉士丁內艱歸卒子知十字淵修少孤貧讀書砥行不

隨流俗亦善書法以諸生終言志

常昭合志稿 卷三十 人物九 文學 五

周震生字洵雷歲貢生文辭富瞻銳於進取時有以多篇售者

卽爲多篇時有以五經舉者卽爲五經顧後進及弟子多獲

雋而震生濩落自如其子馬益舉於鄒不色喜季子沈志試

輒冠曹每賞之曰是差足繼吾緒者曾倬修志震生助之陳志

鄒元斗字少微號春谷性孝友家貧篤學工詩畫康熙四十四

年南巡召試授中書科中書隨園喀喇河屯繪避暑山莊

三十六景并詩棻進五十二年棻與萬壽千叟宴雍正五

年告歸卒年七十二子家龍字乘六由修書議敘授福建大

田知縣有德政升霸州知州程鳳字象六由順天籍副貢修

書議敘授兗州府通判繼任沂州府子京生通許典史言志

張一桂字文貽父湖夔字球一幼失母有至性每讀書至夜分
輒哭早歿一桂生不識父與人言輒稱母訓慎取與謹交遊
殫精嗜古試必冠倫佐曾倬修邑志以歲貢終陶貞一志與一桂

同修邑志有國子生王鎮字山表採訪稿

陳汝楫字秀方明推官璪之裔國初遷吳縣為諸生從何焯

游研窮經史工詩古文後為國子生李光地撫直隸汝楫隨

焯往謁一見器之遂為入室弟子康熙壬辰九卿以汝楫學

行薦後又以光地薦分脩周易折中書成以母老乞歸卒年

六十二著有周易禹貢四書史漢三國志諸劄記及文集詩

集府志參海虞詩苑

常昭合志稿 卷三十 人物九 文學 四

沈遵約字文中隱居湖山怡情吟詠有可菴稿陳志

瞿世壽字贊皇其論詩謂未論工拙先辨首尾平生尤盡心於

春秋經傳折衷宋元諸儒著春秋管見陳志孫昌熾字衡谷諱

生忠宣公墓隙地有謀葬者昌熾同族人訟於官墓始獲全

獨力剏宗祠捐祭田刊行春秋管見友愛昆弟推產分贍請

姪年八十餘卒瞿氏又有元綬字貫卿著寸心集言志

范愷字忠侯能詩好游紀游成帙改建其先文正公祠於翼京

門外陳志

陳溥字聖度歲貢生事親有孝行晷夜讀書垂足甕中避蚊以

刻苦切劘子弟邑中汪應銓諸人皆出其門志

仲是式字合儀居仲家橋年十三補諸生食餼有年獨不隨眾

保結性友夔持身治家一準朱子家禮教子弟用小學規操

履端謹矜式後進晚年準貢後目管猶手不釋卷年逾七旬

沒支漢志子嘉玉字炳章弱冠游庠潛心理學淹通經術顧鎮

極器重之孫應蘭諸生能世其業虞山人文續鈔族人是保字友夔

隱居讀書為村塾師工詩有中吳廣陵懷古詩各八首趙秋

谷游虞見之特加歎異挈歸訓諸孫為刻其詩遂終老焉後

秋谷孫頤來攝邑篆訪其族恤之重餒其集趙頤集序

羅美字澹生用志傳體變左傳編年以便初學明究易理晚歲

醫術濟人又以堪輿家言勸人葬親貧乏者且俛助焉陳志

常昭合志稿 卷三十 八 功九 文學 聖

唐瑀字仙佩號雪井與汪琬為友嘗和柳枝詞深為獎許著有

邱隅破甑竹西諸集海虞詩苑

錢元英字干之諸生居西塘橋能詩有果菴遺集虞邑幽光集

衛文豹字晉玉食餼吳縣名與張景崧吳士玉相伯仲陳志孫士

模字德甫篤志研經於左傳周禮二書最為淹貫尤健於文

累試不過却鬱以終士楷字允甫與士模齊名其坎壈亦相

類虞山人文續鈔

馬輝緒字遜山年十二補諸生旋食餼試輒第一與陳祖范齊

名性孝友當事兩以賢良方正薦辭不就以歲貢終虞山人文續鈔

顧彬字武若請生兩薦不售絕意進取工詩嘗古照堂集言志

錢尚善字子揚舉人父菽字玉禾居西鄉巢巷有寄傲集尚善考授中書不赴爲邑名師有望雲集弟張山字子安諸生有訓崖集尚善子鶴翀字九霞諸生著三禮彙纂虞邑幽光集

汪沈琇字西京歲貢授宣城訓導性行高潔文詞雅贍工隸書詩文有專集沒於任賴張仁美存恤藐孤甚篤陳祖范傳

盛元珍字寶巖梅李人雍正初鄂文端開藩江左以詩古文試諸生元珍爲之冠由歲貢薦授蒙城訓導兼主講鍾山書院

制府黃廷桂深器重之及移川陝遂勸假任聘主蘭山講席甘省書籍既少又鮮傳授元珍乃精擇左國秦漢而下至六

朝八家之文都爲一書俾士子誦習講論文風爲之丕變稱常昭合志稿 卷三十 人物九 文學 聖

南方夫子以年老歸卒於家子士游字含章亦能詩以省父至蘭州卒多士憫之葬於臯蘭山麓立石表其墓趙同爾傳畧

龔克庸字叔度父大潛字雪航善填詞著蕉雪樓詩餘十三卷得宋末諸名家遺意克庸好讀書丹黃讐校精整可觀家酷

貧晨炊常不屬得錢卽爲具留客共醉不爲明日儲也工駢體文尤善爲詩貧益甚挈家之長安蔣文肅廷錫厚遇之由

教習任竹溪令嘗修廢堰爲民利邑人名之曰渤海堰卒於官樞不能歸遺文散佚陶志

單鄭思字聞聲寄籍長洲補諸生能詩有非非先生集晚年嘗

棹扁舟攜釣竿放浪佳菱宛山諸蕩中見者稱爲單公船云

出駿字雲墀壯歲游京師屢試乃中副榜雍正五年保舉令下
 有薦之者發往河南以知縣用時田文鏡為總督駿惡其殘
 酷稱疾不赴乾隆元年薦舉博學宏詞亦不就試為人狷介
 雖貧甚不肯干人居京師五十年未嘗至貴要之門則登第
 後始娶卒不遇聘妻卒遂終身不娶詩文古淡如其人所居
 晉陽菴僧每相謂他人求官舉居士辭官顧何年出此菴耶
 後竟死菴中弟驥監生預修駢字類編扶兄柩歸葬府志
 王應奎字東澂居東鄉鳳塘橋諸生嗜學至老手不釋卷古文
 典贍修潔詩品更高同邑陳祖范王峻輩雅重之凡郡邑志

常昭合志稿

卷三十

人物九 文學

聖

乘之役必咨訪焉著有柳南文鈔詩鈔柳南隨筆續筆其所

選海虞詩苑搜羅遺佚尤見闡幽苦衷府縣志

周安節字承五早歲游庠受業於汪應銓周震生名籍甚試輒

高等三薦不售情性雅淡寄興筆墨兼通地理闡發諸家辨

論展親睦族有古人風卒年八十有三張敦均傳

黃曾憲字式度品端學純言笑不苟弱冠試輒高等以恩貢生

教諭青陽罷歸屏絕世務日手一編至老彌篤有文集陶傳畧

胡維岳字峻天號劍岡母疾衣不解帶及卒父又病劇苦次醫

禱倍竭心力居喪哀毀特甚雍正元年拔貢與柏謙謝元陽

等稱吳中十子赴京彙試第一名籍甚歸里益研窮經籍肆

力於古文辭從游日眾選祁門教諭未赴卒

柏謙傳畧

宋顧樂字玉才居東塘墅五歲入塾書一再讀即能背誦少長

習舉子業出語秀挺以吳江籍補諸生第一舉使者意其宿

儒及進調益歎賞不置旋食餼而顧樂務以詩古文名天下

有咯血疾猶自立程限日課一章寒暑靡倦年二十九遽卒

其師陳祖范深惋惜之初顧樂與同里王峻沈淑年相若才

相亞亦最相善有沈宋王宋之目後王沈皆登第顧樂不遇

歿沒王峻謂其事親孝與人交有始終可稱者不獨詩也

府縣

志參王應奎傳畧

從子金銑字文杓諸生著有楚臺遺稿

沈翀字石虹東鄉人工詩古文從何焯游不數月遣之歸謂我

常昭合志稿

卷三十

人物九 文學

四

所能者子皆已知之矣留此何為每語人以韓慕廬為比翀

歸旋卒年止二十二故焯選文跋語曾引沈生石虹云云有

難索解人之恨翀未婚聘妻楊氏守貞見列女

謝元陽傳畧

胡可大字與京諸生規言矩行里中稱嚴師年八十三卒

支溪志

孫峻字岳庭諸生能文工書兼精醫亦恂恂有祖風

甌塵紀畧

張璘字岫民詩宗少陵吳門欽崇三以小工部呼之

海虞詩苑

刁戴高字拱辰號約山先世慈溪人其祖始來徙父允美自號

樂真翁工筆札善談論戴高受經於孫瀧學書於趙廷珂為

名諸生再踏省闈遂謝去專肆力於古居市南一室環堵簡

編錯列書法結體勁正詩筆意縱橫尤究心小學事母病衣

不解帶者半年投徒束脯皆以供親著有詩集府縣志

自易文字剛申號雪石先賢七十二世孫幼孤力學事母以孝

聞家貧教授性端方而和易樂道人善李學使因培按試訓

諸生以易文品行爲第一子春榮字向之恩貢生孫廷璜字

洪傳號菊蹊舉人山陽訓導虞山人文續鈔廷璜子登浚諸

生家貧礪學及門甚眾性至孝嘗赴浙心動而歸母果病篤

翁文端視學江西延致幕中令文勤兄弟從學焉著有甌餘

集弦歌樓詩鈔及雜文稿家述廷璜孫景松字雲岑諸生事節

母徐謹庚申寇難避賊負母而行兄翔霄既以死難著景松

亦以孝稱於時家傳

常昭合志稿 卷三十 人物九 文學 墨

張大受字若谷一字可之父文揚倜儻好義大受年十二即能

詩趙執信許爲國士補太倉州學生貢成均累試京兆無所

遇歸從游日衆撰述甚富有蔚園文鈔七卷乃孫夔所搜輯

其上當事請留海口大壩議及上李宮保狀皆通達治體有

關國計民生嘗客大河南北以元王喜治河圖畧六圖未備

廣爲三十各繫以說與所撰說經諸書同遭焚竊多散佚無

存矣子應祥舉人父沒哀毀致疾卒錢大昕墓志參墓版文

徐灝字海若常熟人雍正己酉拔貢肄業成均乾隆甲子舉人

以經學薦授國子學正升助教性恒直學問淵懿文章根柢

經史大司成觀保稱爲老友年七十八卒於官詩志

謝元陽字憲南常熟人拔貢舉京兆試雍正庚戌成進士觀政河南會修通志委以編纂元陽發凡起例正訛補缺人物志則詳薛文清所以尙理學也名宦志則進盧忠烈而黜楊嗣昌所以辨邪正也補載魚希直陳益吾所以表廉吏獎勞臣也復奉檄移粟賑饑舳舻銜接無少虧耗嘗貽友人書曰修書數萬言不曾駁壞一字一句運米數千石未嘗虧損一粒一毫嘗搜採邑人之工於文而不遇者編虞山人文前後兩

集各繫小傳寒窗宿齒賴以不泯

行畧參陶敦和傳稿

徐賓字昭受號元夫寄籍吳縣雍正乙卯舉人集師邵侍郎基稱之曰元夫著述等身易理尤爲爛熟箋注多至數十卷其

常昭合志稿

卷三十

人物九 文學

吳

他如洪範禹貢月令樂記諸書俱有發明少爲外祖時楚珩

所撫蒙時姓遊庠里中稱時昭受云

虞山人文續鈔

朱榮荃字香令昭文人爲人方質負氣弟榮芝字瑤秀博覽善

記問束修自好家貧或周之粟揮去不顧年八十餘卒

支溪志

曹均字金範常熟人少受業項春卿之門時陳見復實爲同硯

切劘講習爲文一衷先正早卒子文高字毓奇少孤力學從

黃疇九遊中年後埽除一室日與法書名畫相對妻繆氏能

文章嫺吟詠一燈佐讀至老不衰

虞山人文續鈔

薛玉田以字行小吳墅人好讀書入太學援例得藩掾雍正初

至京師言事藩邸試以河務著有成效六年赴中州館河督

徐公所進言多所裨補子械字亦文諸生爲文日七八藝兼

善古文採訪稿

陳寶光字文暉昭文諸生精醫應手輟效暇則治經史不輟著

有讀易鈞沈春秋發微管見兩漢臆斷等書晚年究心參同

契頗事導引竟以是得疾卒年五十有奇虞山人文續鈔

管焯字丹林弟斌字又安均常熟諸生焯有丹林文集斌居黃

士山有隱君子風子坤載字虹橋諸生徙居東郭清貧礪學

晚年種菊賦詩蕭然自得有虹橋詩集虞山人文續鈔

戴玠字文光照文人家貧以賣漿爲業玠獨奮志讀書補諸生

俞吏部廷柏陸廣文仁虎王觀察家相周大令慎恭張司馬

常昭合志稿 人物九 文學 卷三十 畢

海鵬皆師事之虞山人文續鈔

屈琛字寶輝常熟諸生客游粵東著有可怡集

沈熿字天馥常熟諸生與謝勉廬胡劍岡汪杜林爲莫逆交精

於易集先儒諸解成周易彙解虞山人文續鈔小傳

許進益字禹峯昭文人士柔五世孫少孤貧事母孝工制義詩

古文詞中年始補諸生乾隆辛酉領鄉薦以母老一上春官

遂不赴辛卯復應會試年七十矣授國子監學正歸數年卒

門弟子多達者安貧守拙泊如也著有詩文集言志

陸士坊字良序號茨山性聰穎試輒冠軍乾隆丁卯舉於鄉兄

庭堅字賡虞亦有文譽相繼賁志卒虞山人文續鈔

王式金字聲谷何市人乾隆壬申舉人博學多聞工制義王步

青方棨如皆稱之事親至孝友愛兄弟成就及門甚熾

言志

凌萬才字文若周涇口人諸生精切音法嘗購吳才老韻補不

得博采羣書以補之名曰續韻補考訂詳核

採訪稿

周霖字開周昭文人端重不佻博學工文試輒冠軍設教里門

及門頗眾年逾七十卒

嚴本中傳畧

江文虎字思駿號頤堂何市人父朝字儕岳好施與負氣文虎

與弟煜贊成其善鄉黨無間言乾隆庚辰舉順天試三上春

官不第會丁父艱旋卒夙稱孝友尤尚信義嘗語人曰服御

論議不可與世異趨至立身行己斷不可以時勢遷就自少

常昭合志稿

卷三十

人物九 文學

吳

刻苦夜讀致損一目人比之杜子夏云

言志參虞山人文續鈔

子曾祚

字靜蘿副貢生亦工文章又精堪輿術

家述

煜字念皇性孝友

獨筦家政俾兄一意向學子羽祥字詵宜性如其父姊適朱

貧而嫠撫其孤備至家有梅花樓讀書其中工制舉文顧試

屢蹶抑鬱成疾會父卒慟絕遂不起距父沒纔四日也遺孤

授蘭字佩仁力學擅古文詞謹厚有祖父風

家述

王大椿字八千常熟人石谷曾孫諸生勵志向學其詩中正端

嚴體如平原書法將有成矣療疾亡唐黼廷字章源諸生能

詩與大椿齊名游京師將文恪延居客席惜不永年

邵齊然傳

黃大復字我克常熟人父調元舉人大復工詩古文兼善行楷

爲德清談九乾孫塤與游多名宿著有歎歎稿詩鈔言志

仲雍會字湘帆常熟廩生工詩古文柏謙主講書院深契之乾

隆庚辰科薦而不售時桂林陳文恭公爲監臨合兩江薦卷

拔置第一送入紫陽書院肄業尋以攻苦得咯血疾遂沒年

纔四十弟嘉德字咸一號藹梧庚辰鄉試第一大挑得教諭

歷任高涪金山宜興青浦學所至端士習正文體稱良師儒

嘉德子應鈞字鳳威舉人孫準能字登書廩生虞山人文續鈔

范章承字象麟常熟諸生喜晚唐詩及北宋小令著有曉莊詩

詞稿鈞著

王廷銓字衡持號澹園常熟人幼失怙母復多病家貧不能從

常熟合志稿 卷三十 人物九 文學 吳

師年十五即訓蒙於外資修脯以養母弟木呆廷銓撫之甚

篤士林重其友愛刻意嚮學中乾隆戊子舉人再試禮部歸

遂卒言志參虞山人文續鈔

羅頡字字若號菊亭舉人知鄆都縣撰鄆都縣志以注疏之與

朱注異者參以已見著四書質疑四卷喜爲詩古文兼善詞

曲有秋水閣古文二卷秋水吟二卷演羅忠宣事成曲本曰

鶴歸來爲藝林所賞子毓秀字星槎亦擅詩詞楊氏藝文志參新采本

周昂字少霞涇涇人以拔貢官甯國訓導旋舉於鄉負雋才尤

長韻學中年移疾歸里著述自娛有校正十國春秋古韻通

叶通韻叶音入韻備叶小學卮言韻學集成此宜閣說經賸

叶通韻叶音入韻備叶小學卮言韻學集成此宜閣說經賸

稿視蔭筆記詩文集增輯支溪小志

支溪詩錄

弟元楹字少猷初

名慕然諸生亦以雋雅稱

飢塵紀畧

蕭若欽字醴泉號雙湖昭文人乾隆甲子舉人知普安縣升定

番知州三校鄉闈其文品爲王无黨所推服

人文續鈔

劉天立字惟中常熟人績學砥行和輯宗黨年八十一卒著歷

山詩稿

陳桂森小傳

沈輝玉字韞山號思葵歲貢生乾隆庚子 召試二等文行高

潔子晉恒字宗錫早歲有文名補諸生遽卒孫崇福字鏡齋

道光壬午舉人大挑試令河南署洧川縣

虞山人文續鈔參科名錄

王印川字汝明號慕園守烈孫常熟諸生蔣文恪甥也入成均

常昭合志稿

卷三十

人物九 文學

辛

鉅公爭器之而印川志豪邁不屑私謁屢躡場屋文恪欲薦

引授職不顧去遨遊閩粵間三十載白首歸授徒自給無子

鬱鬱以沒弟仁榮諸生亦無子

虞山人文續鈔

陳謹字環江昭文諸生食餼三十年乾隆己亥始舉於鄉性恒

易工文章兼善書

虞山人文續鈔

鮑捷勳字元侶號銘山守義孫廩生博學能文與兄晉高佐修

郡志工書畫尤善墨竹自號司竹吏性慷慨尚氣節嘗涉江

淮浮湖湘縱覽嵩華之勝客蘭州值逆回亂居圍城中飲酒

談笑自如友以事見法子遣戍捷勳經紀其喪人高其義著

有養木居詩集晉高字亦陶號柳村廩貢生能文章精繪事

兼善鼓琴弟溪字深之少游王良齋之門嘗游黔南著黔游
一得詩古文集以廩貢援例得漂陽訓導年老不赴

虞山人
文續鈔

傳晉高子剛字輞山廩生風神清朗善書工詩文有輞山詩
集捷勳子偉字浚客昭文廩貢生嗜古湛思坦衷接物詩不

專主一家有蕉雨樓詩集份字叔治昭文歲貢生熟於文苑
英華太平御覽兩書工篆隸作楷參以古體生平放浪詩酒

落落無所遇客死大梁門下士刊其所著未學堂集

家
述 倏字

心恬昭文諸生治古文有法度錢塘袁枚見而奇之謂其文
絕似荀子詩有奇氣尤工漢隸父卒聞訃大慟數日而沒著

有不作堂詩古文集

虞山人文
續鈔小傳

常昭合志稿

卷三十

人物九 文學

至

陳華字應和常熟諸生居覆釜山下好吟詠與同邑王介祉鮑
銘山毛寶之諸人唱和年未三十卒弟英萃同梓其詩曰蠶

墨軒存稿

甌塵
紀畧

錢六一字水鄉常熟諸生有神童之目讀書一二遍即成誦弱
冠文名籍甚為柏謙所賞旋以羸疾卒士論惜之有水鄉詩

文集

虞山人文
續鈔小傳

姚齊宋字再元號古愚支塘人父時敏字宗望家貧好施與齊

宋補諸生工古文詞晚為考據之學著有讀史彙編中有訂

訛三十餘條足補松川葉氏之缺自訂狎鷗軒詩文及淞南

筆語四書章句金鏡子文起諸生亦工詩

鐘字應宮諸生世居五渠性誠篤朋儕談論必及身心之學

嘗曰吾生平自信推一真字耳虞山人文 續鈔小傳

范春林字東叔釣渚人諸生從顧鎮游能傳其學性孤介晚參

元門訣於嚴子陵釣臺下投水死子翰嗣字來伯苑嗣字來

仲皆諸生虞山人 文續鈔

陸仁虎字蔚林木排軍人祖宗遜字名吳性純粹言行必循禮

法而遇事剛介不阿乾隆丁巳邑大災獨蠲贖賑南鄉數圖

設粥厥於楊尖活飢民無算家 述仁虎文有典則邑中推名師

乾隆甲寅舉鄉試第一大挑二等授太平教諭端士習整文

風學使玉麟深器重之歷十餘年卒於任著有嘯巖山房詩

常昭合志稿 卷三十 人物九 文學 三

草弟廷鸞諸生為文研經鍊史家雖貧好周人急尤篤於族

誼仁虎子元達元煒元亮皆諸生元亮尤倜儻胸有左癖試

輒冠其曹偶季子元理工山水孫清標諸生以孝友聞家 述

陸以煊字庭午號東田從顧鎮遊鎮掌教鍾山以煊隨往熟聞

緒論善說經乾隆丙午舉於鄉大挑二等未仕卒虞山人 文續鈔

鄭蘭金字琴谷昭文張墅人歲貢生精三禮朋儕過從每條舉

經語以相質座有不當意者輒瞪目直視拂衣去之虞山人 文續鈔

子彥緇字叔謙號雅香恩貢生工古文詞喜山水每與同志

泛舟遠游晚年耽隱不入城市粵寇至集團禦賊死之家 傳

楊景聖字道三田莊人族父岱俾授經家塾日與生徒講朱子

小學教以爲人之道道光乙未丙申間邑中爲十三老人會
繪圖紀事景聖與焉卒年八十四孫英昱瑄昭皆諸生

張廷珏字珍谷號虞樵梅李人父尹賓字仲儒諸生高文不遇

廷珏弱冠中乾隆庚子舉人大挑投鎮江府訓導爲人沈靜

簡默而豪於飲

虞山人
文續鈔

徐維寅字秩宗刻苦嗜學嘗倣程伊川以繩繫門之意穴壁遞

飲食立治心編朝夕記功過至老不衰

虞山人
文續鈔

錢德榮字俊甫常熟諸生居邑西任家橋能詩文兼工古賦性

落拓澹於名利

虞山人
文續鈔

吳耿光字覲文號柏薌昭文人乾隆己酉舉人由大挑署宿松

常昭合志稿

卷三十

人物九 文學

三

縣始建考棚試者稱便改教職歸卒爲文見稱於時子廷銓

字幹卿諸生以攻苦得咯血疾卒廷銓廷釗別見忠節

胡鳴謙字吉山常熟舉人從吳蔚光隄韻遊經義有根柢古文

亦淵雅佐王觀察家相輯虞山人文生平作字未嘗不端楷

及門極盛多所成就晚主講河南書院

家述

王清蘭字韻仙常熟諸生能詩著寄閒小草

見虞山人文續
鈔王錫孝小傳

朱宮桂字佩芳號蓴湄李墅人歲貢生著有詠史百律黃葉村

居集

虞山人
文續鈔

胡靜之字涵伯號翠岑昭文人拔貢官潛山訓導以知縣薦不

就歸主思文書院旋選貴池教諭以老病未赴年八十餘重

游泮宮工詩文尤善填詞

虞邑曲光集

李仁泉字德量昭文諸生熟於兩晉南北諸史有所疑輒筆記

篤內行修李氏宗譜

虞山人文續鈔小傳

許廷誥初名景誥字八兼承恩孫常熟諸生工漢隸尤善詩詞

有碩寬堂詩草荷鋤軒樂府以史館謄錄議敘授都昌丞游

齊魯閩越間所交皆知名士年近九十重游泮宮子元愷字

賓門國子生八分書得家傳收藏古錢有選青小箋

錢廷恪字古香常熟廩貢生客京師二十餘年從游者以百計

晚歸鄉里生徒益眾道光乙巳重謁泮宮著有詩文集及五

經注疏考證

采訪稿

常昭合志稿

卷三十

人物九 文學

語

毛琛字寶之昭文人少即致力於詩中歲飢驅四方垂老歸僦

居僧舍以沒其入楚游粵諸詩尤勝稿多散佚同邑趙允懷

吳縣王朝忠蒐采得二百餘首編為二卷名俟盒贖稿

采訪稿

席世昌字子侃昭文人乾隆乙卯舉於鄉究心三通及海防水

利諸書屢試春官不第始學為詩於古文不喜廬陵而好王

半山既又病其學術不純學柳子厚尤嗜說文取徐氏繫傳

宋本玉篇宋板漢書呂氏春秋高注經典釋文為之疏證補

漏訂譌考異又得惠定宇手批本錯綜辨證較惠氏不啻三

倍而精核處過之既沒其友編為席氏續說文記十五卷張

海鵬鏡諸板

府志參家述

趙同鈺字子梁常熟諸生工詩古文嘗以試事至金陵隨園讌
集兩江名士同鈺卽席和詩四座傾倒與席世昌席煜孫原
湘並稱虞山四才子素有視癖所居鄰洋閣取結鄰於洋妃
之意蓄端溪水巖不下百方擇其尤者品題而甲乙之曰百
晦曰浮玉曰朝霞曰金菊曰乘查曰浮青曰斧黻曰雪蕉曰
青芙蓉孫原湘有鄰洋閣九客歌又有七客歌曰海山春日
水雲曰夔龍曰羽觴曰太白瓶其傑出者曰琅玕聲價與百
晦埒曰潤玉者副之著有鄰洋閣詩集配屈氏宛仙與孫原
湘配席氏佩蘭並以詩筒酬唱隨園編入女弟子集中著有
韞玉樓詩集兼工畫

天真閣集
參家述

常昭合志稿

卷二十

人物九 文學

五

崇德懋字牧匡常熟諸生能詩古文詞工楷法屢試南北闈游
幕山右同知程某助貲爲縣佐試職粵東大吏延參記室充
督院巡捕垂二十年歷官南海主簿三水縣丞多帶職而未
履任粵東素號膏腴督院尤居津要爲巡屬者類皆處脂自
潤德懋樸澁無華屏絕苞苴大吏器之年及懸車會賦悼亡
遂引疾歸與鄉里先達爲耆年會時開文酒之宴生平著述
甚富晚始刊說文類纂一編於所著說文辨字第什之一耳
其書參證經典心力精苦迨傳寫定本而手稿多蠶眠細草
乃口授指畫書成而體爲之憊卒年八十三

邵淵耀
撰傳

朱景周字秋坪恩貢生力學工詩書法道勁間作蘭竹亦楚楚

有致從兄汝霖乾隆丙子舉人文筆精銳從游極衆戲寫墨
花蛺蝶綽有生趣

家述

吳卓信字頊儒常熱諸生父東才字自超昭文諸生九歲能屬
文性至孝父沒哀毀骨立母老無齒飯必具肉手調羹湯以
進伯姊嫠居無依迎養之事寡嫂敬撫孤姪如己出與弟同
居不析箸熱於里中掌故邑志缺軼及違異者多所考訂詩
宗晚唐著有勵堂詩鈔

旌表錄

卓信少孤盡鬻遺產購書數萬

卷坐臥其中太倉馮偉見其所著書爲之延譽邑先輩邵齊
熊吳蔚光皆折節與交合河康基田陳臬江左屬邑令物色
之羅致幕下已而游淮徐厯齊魯走京師嘗一至關中盡拓

常昭合志稿

卷三十

人物九 文學

美

漢唐金石以歸會基田沒慨然曰天下無知我者矣遂杜門
不出性簡亢遇達官貴人罕交一語至爭辨事理則氣涌面
發赤不伸其說不止道光三年夏病亟其友孫原湘往省之
時值大水四野淹沒因責原湘媮惰不能言諸當事聲徹戶
外尋卒年六十九著有讀詩餘論儀禮劄記釋親廣義二十
五卷漢三輔考二十四卷俱未刻又有漢書地理志補注二
十卷三國補志六卷補表六卷武進李兆洛歎爲讀史書不
可無之書欲刻未果手定文稿共十六卷今所刻者僅濟成
居父鈔四卷附喪禮經傳約一卷而已其喪禮經傳約仿周
漢人說經體句爲之義姚鼐謂其質而近古視劉原父士相

見義殆過之尤見稱於世云

黃瑞字柳村昭文人中嘉慶辛酉鄉舉通經史尚節概在京師

垂十年絕迹權貴之門善草書有北莊草堂集采訪稿

黃廷鑑字琴六常熟諸生父叔燦號牧村幼孤力學工詩文乾

隆壬午乙酉獻賦行在再蒙召試十踏省闈不遇乃專

心內養研究參同內景年近九十卒虞山人文續鈔廷鑑少遊趙同

翮王庭筠之門精考據學手校書百數十種尤練於邑故撰

琴川三志補記續記以補鮑盧張三志之缺著有第六絃溪

文鈔詩鈔晚年以經學提唱後進咸推為耆碩焉采訪稿

郝掄達初名談字蘭坡自號鐵蘭道人昭文歲貢生善畫山水

常昭合志稿 卷三十 人物九 文學 毛

及墨梅輯虞山畫志搜考詳備尤長於詩苦吟若郊島著有

白雪山房詩草蘭坡外集李仁毅選四家詩參墨林今話

屈軼字侃庭常熟廩貢生坦之六世孫署南匯訓導改授兵馬

司副指揮家藏書盈二萬卷工古文辭有享帚山房集尤習

掌故以發微闡幽為己任為坦之建忠節祠設祀田創三閭

大夫祠請官給祭纂家譜採邑中遺聞軼事撰永安耆獻一

編同里黃廷鑑琴川三志補記續補記經其刪定采訪稿

瞿青垂字竹鄰文懿裔孫敏而好學著有浣花閣詩季錫疇評文後

吳景恩字心葵先世業鹺居江都祖之黼由刑曹歷江西按察

使父松贅邑中蔣氏景恩少孤依母氏以居補揚州府學生

旋移籍常熟好古力學從李保泰游文詞浩瀚尤善辨論期
期艾艾不稍休李戲呼爲吃公孫云

李鈞載
志墓

程敷誥字仲簡昭文廩貢生授訓導父紀母潘俱年九十七敷
誥以孝友稱邃於經術有消夏集及半舫閣遺稿弟錫誥字

思安績學敦行隱於醫

采訪
稿

邵燕字虛中昭文人國子生喜讀宋儒性理諸書詩類擊壤集
蘇人胡元賓好易往南昌偕焉相與論易遂專力於易論先
後天圖云羲皇之圖直後天之圖先天無有圖也所作易象
窺元六種以朱子本義爲主而時出入於參同契游幕幽燕
滇楚粵浙者二十六年裔孫亨履諸生篤學早世

采訪
稿

常昭合志稿

卷三十

人物九 文學

五

華會昌字慶霄常熟人祖晉祖號康菴諸生刻苦同學博通傳
說父庭桂字詵一歲貢生會昌六齡讀太白蜀道難一過卽
背誦如流弱冠中嘉慶庚申舉人既負異稟而虛懷苦志務
學儕輩所長舉止閑雅勤中儀節兩赴春闈歸旋卒年未三

十且無子也

虞山人
文續鈔

范清彥字石渠自休甯徙昭文嘉慶庚申副榜厨嘗斷炊而八
告以緩急解推弗吝工楷書嘗至朝鮮詠其風土而歸

采訪
稿

趙同春字杏南文毅七世孫少貧困走張掖從族兄同翮游得
其指授遂長於文歸里卽游庠食餼貢成均嘉慶甲子舉順
天榜方勤襄延致陝西課其子弟者累年就京秩得翰林院

典簿歸主講金陵鳳池書院平生宗仰厚齋王氏淹貫經史
學有根柢卒年五十八以外孫龐鍾璐官贈內閣學士采訪稿

衛元相號雨莊釣渚人嘉慶甲子舉人廉靜好讀書教授生徒

孜孜不倦工詩及駢體文有滄霞樓文稿李兆洛志藁族火桓字

公主諸生勤於小品著述晚年遇蹇不肯干人而歿釣渚小志

陳大庚字子堅常熟諸生精於三禮本沈果堂周官祿田考作

序官考一卷於成周一代官職人數致為精核

單學傳字師白釣渚人諸生少有神童譽為錢學使樾所賞吳

蔚光呼為小友俾盡讀其所藏書所著經類兩種史類兩種

雜家類十四種志乘類四種詩話類四種選家類三種自著

常昭合志稿

卷三十

人物九 文學

五

詩文內集五種外集五種子恩蘭字魁香家貧授徒無求於

人炊煙不起泊然也性好易取漢宋儒之說著讀易易知姚福

均撰恩熊初名恩炳字錦輿別字伽貽少受書即通大義時

作詩古文蚤失恃哀毀幾不起父善病盡心侍奉遂斂業例

授典史隨父游豫中風疾月餘不省人事恩熊露禱乞代至

廢寢食父沒慟絕復蘇治葬畢仍游豫得嗽疾歸卒無錫華白隱傳

程梓誥字瑤波東徐市人諸生詩工為寄託之語詞宗玉田較

詩為勝著有蠡陬山館詩飭花館鑄夢詞

施大銓字韻仙昭文諸生工詞賦屢試高等詩不多作作必闢

揚忠孝生平課徒極嚴嘗曰貧士無善可積惟藉此以積善

耳主遲公書院講席

李墅小志

子震福郡諸生舉道光戊子鄉試

王觀察家相賞其文以女許字旋入贅河南官舍與婦兄觀

察憲成徵士憲中朝夕切劘工詩古文兼善書尤精篆隸澹

於仕進返里後授徒自給甲辰大挑二等選海門訓導勤課

士子稱賢師佐當事籌賑濟濬河渠行團練經畫盡善而硜

硜自守不以他事干謁俸滿升揚州教授旋卒年六十九子

慶祥諸生亦以詞賦知名先震福卒震福弟鼎祿亦諸生

家傳

楊希豫字志行常熟諸生性穎敏好讀書遇事默識久而不忘

族弟希銓嘗稱之曰是吾宗文獻也

家述

袁鍾麟字襄浦常熟諸生為文專講理法及其門者皆一時名

常熟合志稿

卷三十

人物九 文學

本

雋子與祖字楚菴亦諸生溫雅靜穆文如其人

翁心傳字子唯文端從兄也少從咸封遊補常熟諸生文端嘗

曰吾兄之文空靈超妙弗可及也性倜儻不羈喜飲酒每飲

必醉年甫三十卒

家述

周敷濂字遠香項家橋人負才好學歲科試七次首列由優貢

考取八旗官學教習工為駢體文

季錫疇評文後

姚錫範字子俊昭文諸生性好交遊每識一人必繪一圖綴駢

體文數百言紀其始末名人海知交著有紅葉山房駢體文

詩詞及詩話弟錫鬯字羽香常熟諸生好湛深之思長洲沈

培授以宣城梅氏書三年洞其奧遂精測算錫田字告山跌

宕負奇氣汎濫百家尤沈潛許氏學年四十九病酒卒

采訪稿

陳向榮字春巖常熟人熟於諸家注疏尤工詩著有春巖小草

村居云人呼陳仲子我慕漢龐公壯歲云閉門且讀英雄記

插架從無貨殖書自述云非甘貧賤才原拙得際昇平福自

多其風致類此

鈞濟小志

楊乘雲字鳳舒寄籍良鄉補諸生移歸常熟嘗由燕之豫之晉

隻輪匹馬往來恆嶽岵嵐間觀名山大川交偉人傑士胸次

蓋廣退營宅於桑岸課子孫耕讀有隱士風

家述

季士訢字尚迂常熟人工填詞嗜酒落拓嘗語友趙允懷曰死

後君爲題墓酒徒季某埋骨處足矣允懷刻其闕紅詞

采訪稿

常昭合志稿

卷三十

人物九 文學

空

顧敬又名崑花莊人喜爲詩從孫原湘游有江月草堂集

采訪稿

湯鏞字粹莊昭文人耽詩善病蚤卒有綠滿書齋詩詞鈔

采訪稿

周敦仁字樂山張港涇人質樸少文而詩特蘊藉著有映蟾堂

遺稿

黃金臺字芝山常熟副貢生性高介不治生產教授里門與陶

博士貴鑑龐學錄大莖齊名工書法詩亦有唐風著醉薌仙

館詩一卷子廷甲諸生善醫

采訪稿

周彬字菘疇昭文蔡涇人諸生從孫原湘游工詩詞兼治古文

著有蜚吟山館詩文集

繡屏風館文集

郭志訓字古于昭文諸生父梓材字小若以廩貢署靖江訓導

有時譽與邨蘭坡相倡和忠訓尤喜爲詩與周菘疇方子漁輩吟筒往還多雋雅之作

採訪稿

邵逸字古民號簡菴家貧無子寄居方塔之東林禪院院內有老樹一株槎牙擁腫逸視爲奇玩日摩挲吟詠其間歷二十餘載年六十七而卒著有奇樹齋集數卷

海虞詩苑

王新字耕野昭文人布衣窮老埋名鄉曲太倉季錫疇刻其遺詩傳之

張起龍字嘯雲何墅人隱於賈工詩爲名流推服嘗有黃葉村中一布衣之句人呼爲張黃葉所著有黃葉村詩稿

吳震字壽之號瘦青常熟諸生先世居蔡涇本素封震揮金結

常昭合志稿

卷二十

人物九 文學

奎

客日與諸名流相酬答家以落晚年依人而居夷然安之惟事吟詠而已少從孫原湘游以青梅子詩得名所著銅似軒詩五卷拜雲閣樂府二卷粵寇之亂歸居蔡涇而卒

采稿謝

葛森棠字稚香常熟諸生氣度凝重爲文確守典型教授里門多所成就精醫術應手輒愈不責謝焉

采稿

沈煜奎字穎才常熟優貢生旋中副榜詩文皆清華朗潤蚤失恃與庶弟煜慶友愛甚摯比長督之讀書賴以成立煜奎口吃意有不可必期期與人爭辨伸其說乃已家居教授弟子著錄者數十人皆有聞於時

趙允懷字閻邨父玉字朗山常熟廩貢生工詩得佳句以刀畫

庭竹上曰吾以此代殺青落拓不遇客死中州有秋爽齋集

讀鑑隨筆豫幕閒撫墓志允懷少孤力學贅於支川顧氏遂家

焉中道光乙酉舉人大挑得教諭未及選遽沒年四十八允

懷抱不羈才務博覽詩文跌宕而有法度留心邑中文獻顧

鎮虞東文錄毛琛俟盒賸稿邵廣銓蘭風詞季士訢問紅詞

遺稿散佚皆為哀輯所著虞鄉詩錄支溪詩錄三峯寺志虞

鄉雜詠又購漢唐碑本考證舊聞撰甲午消夏錄其詩文雜

著為小松石齋集養一齋文集

倪賜字閻谷唐墅人為詩高古絕俗與許瀄蘇孫瞻有三布衣

之稱善畫蘭著有唐墅小志語溪詩存許瀄字古初能詩墨

常昭合志稿

卷三十

人物九 文學

奎

竹法管夫人吳仲圭尤於尺幅中善作小竹兼工篆隸隱處

海濱離塵絕垢著有吟亭詩鈔膏纂三峯寺志稿未竟遽歿

子棻字懷庚諸生少聰慧能畫蘭早卒蘇孫瞻字耕虞性古

拙自號耐寒叟兼工人物山水言志參支溪詩錄墨林今語

歸章字問軒昭文拔貢道光戊子舉於鄉少工文辭間作篆刻

房師宣城令梁某延入幕宣城多古蹟勝境所至胥寄之吟

詠其年水灾行戶遺糶飢民乏食滋事邑宰拘二十餘人司

刑名者謂應嚴懲章以滋事由饑饉請誅首犯解散其黨糶

糧平糶為紳富勸邑宰躓其言僅置為首二人於法眾皆感

悔兄蚤沒撫猶子教養成立卒年五十有五家述

葛廷耀字縵華昭文廩貢生力學能文從陶博士貴鑑游好博

覽終日手一編至老不衰

采訪稿

張爾且字眉叔常熟諸生內行篤摯少學詩於孫原湘有種玉

堂詩詞文集晚學易善畫墨梅子翊興字蓮屋亦能文工詩

畫未弱冠卒有冬心閣詩一卷

胡金瑞字庚生昭文廩貢生例授訓導富而能文尤工詩

家述

席振遠字枚生常熟人性通敏文賦未嘗屬草由拔貢中道光

辛亥舉人主講游文書院著有埽紅館詩賦稿

采訪稿

沈福堃字鐵泉昭文諸生發憤力學著雜窗條約以自勵著有

三十六鴛鴦館詩古文詞兼工書畫子祖詒字詠樓常熟附

常昭合志稿

卷二十

人物九 文學

畝

貢生亦能文工詞賦任銅山訓導勤於造士

家傳

歸令瑜字子瑾昭文人道光甲午舉於鄉邑中屢被水邑宰屬

以賑務多所全活甲辰大挑知縣分發甘肅不赴杜門課子

以文史自娛購得蔣因培舊居燕園為別業春秋佳日與朋

儕觴詠其中年五十有一卒子兆昌字遂伯 恩貢生績學

能文蚤卒兆臯字賡九浙江縣丞兆金見忠節

家傳

王振聲字寶之昭文人生於文村因號焉幼孤依族父以居七

歲矢志讀書族父奇之令就村塾族父卒益貧困日則其家

人雜作夜則篝燈自課弱冠補諸生由道光戊子副榜中丁

酉舉人三試禮部歸益勤於講習經史百家小學語錄無不

涉獵於校勘之學尤貫穿精審所著有魚雅堂全集十三經校勘記補正切韻指掌圖校勘記復古編校勘記讀韓子讀易劄記雜記爲人恂恂儒雅行事誠懇從學者百餘人晚主講游文書院討論經籍日草數千言邑中推耆獻焉采訪稿

錢涓字夢青號葭村昭文人父朝錦字奎章嘉慶辛酉舉人任興化訓導性豪邁及門甚眾盤屋路德亦受業焉涓折節好學弱冠補諸生父卒家落夷然處之以歌詩自娛吐屬名雋著有壽潛堂詩集子國樹字小村能文蚤世采訪稿

周綸渙字遠香昭文監生居梅李江橋好學不遇工詩詞善畫墨蘭

常昭合志稿

卷三十

人物九 文學

奎

徐朝忠字西樵常熟人讀書多創解擅詩賦孫原湘輩咸激賞之郡縣試必前列院試輒見擯悒鬱成疾卒年二十八著有補雲仙館文稿無子妻趙有德操以苦節旌家述

王寶琛字二亭昭文諸生嗜酒工草書醉筆尤善兼工詩古文居翰村築室溪側自撰楹聯云小市小橋小院落半耕半讀半漁樵

徐桂馨字一山昭文歲貢生世居碧溪市書法柳少師制義清真雅正課徒多所成就

陶霞標字吟湘昭文副貢生鎔孫父湛華懷才不偶放浪詩酒以終霞標好學能文兼擅詩詞駢體性嗜酒酣嬉跌宕雜以

談諧性實拘謹嘗夜讀鄰女推扉入呵叱問祖母陸自屏後
窺之突出拊其背曰汝能然我無慮矣嘗因酒使氣陸垂涕
戒之遂涓滴不飲閱一載方令飲飲亦不敢過子炳權字巽
行恩貢生就職州判賦性端介學有根柢著有求在我齋古
文一卷駢文詩詞十卷四書講錄六卷觀感錄八卷困知記
四卷炳言字立三廩生炳威字乙生己卯副榜

家述

張定鑿字竹沄晚號拙叟常熟監生候選光祿寺典簿廩省試
屢薦不售益奮志讀書肄業紫陽書院院長朱宮贊珩極賞
之內行純篤佐父建祠修譜邑有旱澇輒助賑爲倡居恒執
卷危坐無惰容朋輩往來終日不見偏倚遇有質問盡言無

常昭合志稿

卷三十

人物九 文學

矣

隱所著四書訓解參證意在輔翼朱注不主掇擊光緒元年
舉孝廉方正旋卒年八十八

家傳

金煥字倬章金村人弱冠補諸生文名藉甚事親孝族有貧窶
者必請於親百計周之生平恥言人過立功過格以自繩卒
年二十九

宗晉字麗生常熟人九歲能文旋補諸生第一著掛山樓詩內
行純篤嘗擬程子四箴記功過格自考年二十七卒母錢婦
周女兄弟適蕭陸皆有詩詞集

家述

秦大鈞字廣成東張墅人恩貢生溧水教諭單心羣籍刊繆補
正尤專力治說文著有詩經毛鄭異解疏明說文指掌又秦

承孝字藕香亦昭文諸生詩品高雅有藕花居詩鈔采訪稿

俞大文字仲乙號荔峯照子八歲喪父事母至孝母病割臂以

療其學以慎獨為基而勇於從善見義必為嘗彙刊良方以

濟人以優貢舉孝廉方正未及試卒年四十四著有銘椒仙

館詩古文詞翁同福撰傳參翁同龢撰行畧弟大潤字叔成號蓮士道光己

酉拔貢杜門著書澹於仕進喜藏圖書金石兼擅書畫性孝

友伯兄大淵早世與仲兄共撫猶子鍾禕成立仲兄沒大潤

哭之慟遂病越二十六日亦沒年四十一著有揖柳書堂集

俞氏世譜春秋地名人名韻編大園管見錄柳少師年譜聞

癖草季錫疇撰傳鍾禕字懿菴號汴瞻讀書自勵咸豐辛酉亦登

常昭合志稿 卷三十 人物九 文學 七

拔萃科未赴 廷試以避寇沒於申浦年三十一家述

陳寅養字善禾昭文廩生能古文詞尤長於詩專治說文兼通

數學推測物理能發人所未發著有多粟齋稿采訪稿

蘇文海字望之祖蔭族裔道光癸卯舉人早負文名從游者眾

性和平溫厚與弟子語必委婉誘其盡言質問因而啟發之

故所成就之多與昔年邵學博淵耀等由史館議敘授太倉

州學正歷主崇明瀛洲本邑游文書院講席士林推服卒年

七十餘有詩文稿藏於家采訪稿

殷振雲字嘯齋昭文廩貢生性廉潔邑向有漕規多染指者振

雲力卻之好施濟嘗倡立儒寡會學有根柢屢試不遇以授

徒終著有蓬萊居文稿家述

胡蘭枝字息齋

人咸豐己未舉人粵匪平後襄辦邑中善

後事歷著勞勩工於草隸書能詩文有松窗集卒年六十九

從弟士楨字芝階諸生少孤貧刻苦勵學熟於經史有安吾

齋詩文稿四卷家述

陸日華字意芬闈干橋人諸生擅詞賦著司契齋賦草兼工正

草書善鑒別自號尚湖嬾漁家述

王慶藻字菊人昭文人候選縣丞好讀書善屬文究心邑中掌

故自嘉道以來鄉先生狀志文為舊志未及收者搜訪彙錄

成帙勅議刊兩邑旌表錄性孝友敦族誼為德於鄉如恐弗

第昭合志稿

卷三十

人物九 文學

矣

及母病籲天求代病竟獲瘥修宗譜置義莊并捐田百畝助

建清節堂李芝綬王縣丞誄

按舊志文苑總敘 國初以來邑中能文之士姓名可考者

茲仍其例附錄于左

邵炎字元憲有聲序需次廣文未仕而卒

邵錫麒字玉符長身玉立少游京師有文名

吳

之瑄字企房居梅林文名著於時關中念堂趙公令常熟待以國士康熙壬午舉於鄉

黃奕龍字

九諸生篤行績學淹通經史

陳經邦字豐邑諸生生長世家篤學不倦

夏基字肇隆諸生攻

苦力學兼習岐黃術

孫仁登字獻可穎敏好學為諸生祭酒

丁朝璧字兆元副貢生文思超逸

錢亦元字亭表幼孤力學弱冠補諸生

許開平字靜之歲貢生居唐墅以文學教授鄉里

屈成桂

字宜因以歲貢官陽湖訓導歸而逍遙山水以老壽終

沈南金

字方願諸生文才挺拔

陳董策

字揚先諸生學問與晉倬並稱汪應銓輩皆受業也

金拱辰

字五雲諸生天性樸誠隱

居北麓教授不倦卒葬梅林

孫泮

字思浴諸生篤行好學至老不倦子世治字志安亦諸生

衛萇

宏原名應奎字天棧舉人博學多才

徐戊

字尙占沈靜簡默恬於勢利雍正癸卯登賢書

黃飛

龍字天章與徐戊並居郊外同舉於鄉績學攻苦膏火不繼從其婦紡績以映餘光以卒讀

徐焯聯字

樹舉人與黃飛龍同受業于錢尙善文有名家風格

許樹勳

字繼安敦尙氣節才思橫發為諸生祭酒子維

新字懋祖諸生長于古文詞

孫浩

字亦大阨于童試以終

瞿勳

字元功諸生天姿高邁學有根

抵丁森

字玉亭拔貢生教授里門從游者皆有聞于時子鶴生字振皋諸生亦能文性謹仿

邵宅

俊

字在南諸生游陶晚聞汪杜林之門甚見器重子景燠字續昆亦諸生

黃範

字疇九歲貢生

薛

澍字夫五舉人官太倉學正

錢祖安

字慰庭舉人

戴宸恩

字元長諸生與黃薛銜四人並

有文譽與蘇沈斌齊名

湯銑

字藻庭

王承烈

字趙瑜二人先補武生旋棄去下帷攻苦均補

常昭合志稿

卷三十

人物九 文學

堯

諸殷霽臨

字晉階

殷霽恩

字鴻章兄弟同補諸生居香界溼均善文辭

王進

字思忠舉人文近柳州

馬遇伯

字震千副貢生天資穎異

高一桂

字西園舉人與顧鎮名

何澤源

字資亭歲貢生居何家市好學工文子悅梅字冠英天才秀挺為何二山人室弟子

邵燕

翀字贊夫諸生季友誠篤術古能文與兄燕啟弟燕聯亦有聲于梓子倫清字景夔進士官廣西州知州

岐鳳

字應鍾拔貢生七試南其剛不遇資志以沒

江旃

字香叔歲貢生老成醇謹不妄言笑

徐

惟明

字入鏡諸生文章清拔淡于進取

唐景

字照宜居六河家雖于資折節砥行刻苦如寒素足跡不

入城市鍵戶讀書以終其身

唐晟

字西亭諸生敏而好學文有逸氣

蘇颺

字譽顯性至孝家貧

力養補諸生鄉闈七薦不售丁奕通岐黃術

衛步瀛

字金臺諸生牛行異稟工駢體書法亦秀勁早卒

衛瀛洲

字韓城樸誠悃愾言行無文飾既為諸生學益進敷奇不偶終其身子藁狷字兩峯亦以能文名

錢體徵

字性川諸生務博覽駢體文綿歷可誦兼能詩窮困以終倚盡散失

王震

字懷台乾隆己

卯已登魁選
旋易置副車

于繼振

字石麟諸生客游中州在
胡中丞寶瓊幕掌奏疏

徐蔚

芝諸生銳于
學從相謙游

殷士魁

字慰曾舉人績學工文尤精于三禮
第士整字季占為諸生有聲庠序

沈圖南

字廷章歲貢生友教
一方士論翕然歸之

湯標秋

字桂一察秀才第
一經經自守為文

矩獲

瞿味道

字俊棧諸生勤學
能文立身不苟

瞿詠道

字遵于天姿英
妙文有奇氣年

未二十

張益

字友三貢生為人相煦文
亦春容大雅書法董香光

呂鑽

字聲洪副
貢生清厚

樸誠閉戶著
書至老不倦

周鎬

字武開諸生居瀕海
教授窮鄉罕入城市

宗裕大

字聲伯
孤貧力

學補諸生為人純謹樸訥
子媛亦諸生古質有父風

陶廷埏

字念初諸生內行
醇謹績學能文

沈

字伊人諸生淡于進取
授徒自給為邑名師

吳玉昆

字萼庭居邑東珠磯快
與弟金友字荆庭俱有

聲鬢

王春敷

字煥若諸生累試不遇絕意進取耽
悅文史冥搜博覽晚年尤精醫理

吳鳳

字心培諸生性
孝友淡于進取

蘇正西

字改之諸生性仇爽
長髯善飲兼精醫理

歸敬銘

常昭合志稿

卷三十

人物九 文學

丰

字晉益諸生及
邵松阿之門

嚴榕

字卓羣諸生端靜有
品為文原本經術

瞿方至

字錦
川諸

生工詩詞書
法亦娟秀

錢塏

字喬成諸生性
豪放有節概

張映奎

字望山諸生
和易謹厚以

孝友聞文得
何二山之傳

陳榮光

字佩蘅諸生讀
書自好早卒

陸廷鏞

字東序諸
生發憤向

學葺所居為三間草堂與
同人講藝其中文有逸致

吳毓麟

字玉亭子濬源字古愚
父子均以文鳴鬢字

顧士濟

字俗經諸生居東徐市能
文子召春字叔真舉人

王晉錫

字理堂諸生
才氣豪邁早

卒

席存淵

字伯涵諸生雅尚元
素藥爐經卷泊如也

周觀光

字耿廷諸之弟
弱冠補諸生與

兄互相砥礪性孝友
接人和藹不立崖岸

陳玉蓀

字素枝諸生博覽古
籍治經尤勤早卒

倪泰

字若齋幼慧能文補
諸生年弱冠即逝

殷會源

字敬之年四十始補諸生
為人方領矩步為王无黨

所

張茂棠

字晚香一字彥甫諸生沈
潛好學為王无黨所賞

馮融

字和叔諸生
工書善詩一

以唐人

吳思勉

字勛之性嗜古楷法精整文以淡古勝第
思敏字遜之著有克農詩鈔思孝字永言

為法

改名琥繡文筆穎異均封翁敬之弟杭州商籍庠生

陶式玉

字玉章諸生頗著才名有別墅曰鋤園在芝川

柏起宗

字是觀諸生師友皆一時名頊構園于唐墅名柏家山子

殷理

字元亮居香界涇懷概負

才畧與弟元修競爽著有甌游草子世安字濟公著有延古齋分年集

趙汝揆

字先一居東唐墅著有石

年集

呂敷

字恭若居梅李嘗館洞庭山中與吳不官倡和

吳德裕

字益卿與系眠自陸敕仙為友

倡和

馮廷賓

字于王篇什甚富惜已散佚

王瀛

字十洲善寫香草兼工比興著有娛暉草

徐渠

號漢石居東徐市詩有專集

瞿嶧

字鄰鼻詩經馮鍾吟指授

黃式

字亦文諸生性

愛山水晚居藤溪吟詠不輟

嚴士美

字尊五文靖曾孫好吟咏

錢謙孝

字子慕詩近晚唐

周綸

字允言家蔡涇有詩一卷曰澹軒

劉燧初

佚其名自長洲來進孤介有品有寄愁吟一卷

陳晨

字赤城足跡幾遍海內所至輒多題詠有偶然吟四卷

孫鏞

字陶庵詩有風調在章許之間

錢天保

字羽王嗜書耽吟與其家孝修玉友有三才子之目著有晚翠軒集

胡光遠

字梓林諸

常昭合志稿

卷三十

人物九 文學

主

生著有厚廬草齋香詞

許灝

字興宗性耿介惟以吟詠自娛

王世培

字德其諸生善病間作小

詩自遣

張國輔

字陳可耽吟詠雖病不輟著有半野草堂詩稿

金照

字中旭自號蒼溪子申歲

喪偶不娶授經之暇輒為小詩自娛

許逸

字東野

童隱

字雪樵

許行健

吳

理

馬且

蘇國士

顧士榮

程椿

沈岐

吳衡

蔣

旭

均以詩名見海苑詩虞

